



劉文成公全集卷三

景陵後學

鍾

惺評輯

仁和後學燕如鳳校訂

郁離子

省敵

離奇天矯  
字句俱有

千鈞力

郁離子曰善戰者省敵不善戰者益敵省敵者  
昌益敵者亡夫欲取人之國則彼國之人皆我  
敵也故善省敵者不使人我敵湯武之所以無  
敵者以我之敵敵敵也惟天下至仁為能以我  
之敵敵敵是故敵不敵而天下服

劉文成公全集

卷二

聚天下者猶的

篇內凡十  
餘的守一  
起一伏如  
層巒如迴

堯舜

郁離子曰水赴壑鳥赴林蠅赴臭不驅而自至  
者也而奚以召之哉利者衆之所逐名者衆之  
所爭而德者衆之所歸也是皆足以聚天下者  
也故聚天下者其猶的乎夫的也者衆矢之所  
射衆志之所集也堯舜以仁義為的而天下之  
善聚焉收天下之所爭逐者為之均之不使其  
爭逐也及其至也九州來同四夷鄉風穆穆雍



結上文  
一頓復又

推出上黨  
介山氣益  
類

雍以入于其的之中。桀紂以淫欲為的。而天下之不善聚焉。收天下之所爭逐者。私諸其人。及其窮也。諸侯百姓相與操弓注矢的其躬而射之。是故不能仁義而為天下的者禍也。故秦之未帝也。天下莫彊焉。及其吞六國而一位號。不過再世。匹夫呼而與之爭。天下並起和之。莫不以秦為辭者。所在也。陳涉先起而先亡。以其先自王以為秦兵之的也。故曰不為事先動而輒隨者不為的而已矣。昔者秦攻韓上黨。上黨

劉文成公全集

卷三

之守馮亭以上黨歸于趙。趙人受之。是以有長平之敗。趙國幾亡。夫秦之所欲取者上黨也。兵之所加不選其韓與趙也。惟上黨之所在耳。介山之草木何罪而焚乎。子推之所在也。是故辭禍有道。辭其的而已矣。

田瑛論救楚

秦惡楚而善於齊。王翦帥師伐楚。田瑛謂齊王曰。盍救諸。齊王曰。秦王與吾交善而救楚。是絕秦也。鄒克曰。楚非秦敵也。必亡。不如起師以助

一轉其醜  
登擊談兵  
然如指  
諸掌

可以從揭  
俗

秦猶可以為德而固其交。田璆曰：不然。秦虎狼也。天下之疆國六，秦已取其四，所存者齊與楚耳。譬如摘果，先近而後遠。其所未取者，力未至也。其能終留之乎？今秦豈誠惡楚而愛齊也？齊楚若合，猶足以敵秦。以地言之，則楚近而齊遠，遠交而近攻，秦之宿計也。故將伐楚，先善齊以絕其援，然後專其力於楚楚，亡齊其能獨存乎？諺有之曰：攢矢而折之，不若分而折之之易也。此秦之已效計也。楚國朝亡，齊必夕亡。秦果滅楚而遂伐齊，滅之。

劉文成公全集 卷二

九頭鳥 摩搖之虛有鳥焉，一身而九頭，得食則八頭皆爭，呀然而相銜，灑血飛毛，食不得入咽，而九頭皆傷。海鳥觀而笑之曰：而胡不思九口之食同歸于一腹乎？而奚其爭也？  
平聲琴弦 琴大弦與小絃同，使師曠調之，終日而不能成聲。公恠之，師曠曰：夫琴大弦為君，小



弦爲臣大小異能合而成聲無相奪倫陰陽乃和今君同之失其統矣夫豈瞽師所能調哉

多疑不如獨決

無支祈與河伯鬪以天吳爲元帥相抑氏副之江疑乘雲列缺御雷泰逢起風薄號行雨蛟鱓鰐鮫激波濤而前驅者三百朋遂北至于碣石東及呂梁河伯大駭欲走靈姑胥止之曰不如且戰不捷而走未晚也乃謀元帥靈姑胥曰鼉負可河伯曰天吳八首八足而相抑氏九頭實

劉文成公全集卷三

佐之雷風雨雲之神各專其能以衛中堅蛟鼉魴鱖莫不尾劔口鑿鱗鋒鬣鏗掉首摧山捷鬻倒淵而豈鼉負所敢當哉靈姑胥曰此臣之所以舉鼉負也夫將以一身統三軍者也三軍之耳目齊于一人故耳齊則聰目齊則明心齊則一萬夫一力天下無敵今天吳之頭八而副之者又九其頭臣聞人心之神聚于耳目目多則

多指亂視  
多營亂聽  
故曰用志  
不分乃疑  
於神文情  
蔚然可愛

視惑耳多則聽惑今以二將之心而御其耳目六十有八則已不能無惑矣加以雲雷風雨之

師各負其能而畢欲逞焉其孰能一之故惟鼯  
鼠爲足以當之鼯鼠之冥冥不可以智誘威脅  
而謀激也而其志有必至破之必矣乃使鼯  
帥九夔以伐之大捷故曰衆志之多疑不如  
心之獨決也

### 射道

常羊學射于屠龍子朱屠龍子朱曰若欲聞射  
道乎楚王田于雲夢使虞人起禽而射之禽發  
鹿出于王左麋交于王右王引弓欲射有鵠拂

耳目愈觀  
聰明愈顯

劉文成公全集

卷三

五

筆筆有神

王旃而過翼若垂雲王注矢于弓不知其所射  
養叔進曰臣之射也置一葉于百步之外而射  
之十發而十中如使置十葉焉則中不中非臣  
所能必矣

### 一志

不朽格言  
可勸可垂

郁離子曰多能者鮮精多慮者鮮決故志不一  
則死死則散散則潰潰然罔知其所定是故明  
生于一禽鳥之無知而能知人之所不知者一  
也人爲物之靈而多欲以昏之反禽鳥之不如



養其枝而枯其根者也。嗚呼！人能一其心，何不  
如之有哉。

知止

粵工善爲舟。越王用之。良命廩人給上食。粵之  
治舟者宗之。歲餘言于粵王曰：臣不惟能造舟，  
而又能操舟。王信之。雋李之役，風于五湖，溺焉。  
越人皆憐之。郁離子曰：是畫蛇而爲之足者之  
類也。人無問智愚，惟知止則功完而不毀。故以  
子胥之賢而不免焉。夫子胥之入吳也，圖報其  
復，何求哉？乃不去而沈其身，不知止也。

劉文成公全集

卷三

六

專心

心之專節  
誠也專則  
知誠則明  
宇宙間大  
道理

郁離子曰：水鷄翔而大風作，穴蟻徙而陰雨零。  
豈其知之獨覺哉？惟其所願欲，莫切於飽與安。  
也。故孜孜以候之氣，將來而必知，惟其心之專  
也。是故知曠潦者，莫如農；知水草者，莫如馬；知  
寒暑者，莫如蟲。故以刑守閭，以瞽聽樂，取其專  
也。魯人有善言易者，百家之訓，詬疏義，無不誦。

既得龍復  
孽蜀求虎

子殆得乎  
名言

而記之。命之下則不中。吳有醫與之譚脉證必折。而請其治疾無不愈者。故曰誠則明矣。水鴉之知風穴。蟻之知雨誠也。

主一不亂

殺事有步  
伍若不識  
之兵構句  
出天然若  
李將軍之  
射諛吐可  
以解願若  
東方朔之  
滑稽

屠龍子與都黎奕。都黎數敗。館人憐而助之。又敗。觀者皆愕。胥助焉。從者請已曰。吾聞寡不敵衆。彼方鳩羣。知吾憂子之不勝。以圯前勞也。屠龍子弗應。坐而奕如故。都黎乃大敗。不能支。助者相顧皆失色。執子以詆。使復之。俱弗敢矣。從

劉文成公全集

卷三

者喜曰。神矣哉。夫子之奕也。屠龍子曰。未也。子不觀夫鬪獸乎。夫獸虎爲猛。今以虎鬪虎。則獨虎之不勝多虎也。明矣。以狐鬪虎。則雖千狐其能勝一虎哉。多愈見其自亂也。昔者六國合從以擯秦。辯士之爲秦者。以連衡喻之。六國果不勝。如辯士言。今者之奕。猶是也。吾嘗行于野。見兩頭之蛇。其首一東而一西。二首相擊。終日不能離其處。吾觀而悲焉。故爲巨室者。工雖多。必有大匠焉。非其畫不敢裁也。操巨舟者。人雖多。



必有舛師焉。非其指不敢行也。故視聽專而事不僨。是故四海之民聽于一君。則定百萬之師。聽于一將。則勝。易曰：長子帥師，弟子與尸。凶。詩曰：如彼築室于道謀，是用不潰于成。雖使奕秋爲之，猶當敗也。而况非奕秋者乎？吾何憚焉。

虞孚

虞孚問治生于計然先生，得種漆之術。三年樹成而割之，得漆數百斛。將載而鬻諸吳，其妻之兄謂之曰：吾常於吳商，知吳人尚飾，多漆工漆

劉文成公全集

卷三

八

於吳爲上貨。吾見賣漆者煮漆葉之膏以和漆，其利倍，而人弗知也。虞孚聞之，喜，其言取漆葉煮爲膏亦數百甕，與其漆俱載，以入于吳。時吳與越惡，越賈不通，吳人方艱漆，吳僧聞有漆，喜而逆諸郊，道以入吳國，勞而舍諸私館，視其漆甚良也。約旦夕以金幣六取漆，虞孚大喜，夜取漆葉之膏，和其漆以俟。及期，吳僧至，視漆之封識，新疑之，謂虞孚請收約，期二十日至，則其漆皆敗矣。虞孚不能歸，遂丐而死于吳。

虎 貍

詩云不敢  
暴虎不取  
馮河人知  
其一莫知  
其他此之  
謂也

若石隱于冥山之陰。有虎恒蹲以窺其藩。若石  
帥其人晝夜警。日出而殷鉦。日入而燎燿。宵則  
振鐸以望。植棘樹墉。坎山谷以守。卒歲虎不能  
有獲。一日而虎死。若石大喜。自以為虎死無毒  
已者矣。於是弛其機。撤其備。垣壞而不修。藩決  
而不理。無何有貍逐麋。來止其室之隈。聞其牛  
羊豕之聲而入食焉。若石不知其為貍也。叱之  
不走。投之以塊。貍人立而爪之斃。君子謂若石  
知一而不知二。宜其及也。

劉文成公全集

卷三

九

山居夜狸

郁離子居山。夜有狸取其雞。追之弗及。明日從  
者獲其入之所。以雞狸來而繫焉。身縲而口足  
猶在雞。且掠且奪之。至死弗肯舍也。郁離子歎  
曰。人之死。貨利者其亦猶是也。夫宋人有為邑  
而以賂致訟者。士師鞠之。隱弗承。掠焉。隱如故。  
吏謂之曰。承則罪有數。不承則掠死。胡不擇其  
輕。終弗承以死。且死呼其子。私之曰。善保若貨。

喚醒世間  
癡夢



是吾以死易之者人皆笑之則亦與狸奚異焉

### 蹶叔三悔

蹶叔好自信而喜違人言。田于龜陰。取其原爲稻。而隰爲梁。其友謂之曰。梁喜亢。稻喜隰。而子反之。失其性矣。其何以能獲。弗聽。積十稔而倉無儲。乃視于其友之田。莫不如所言。以獲。乃拜曰。予知悔矣。旣而商于汶上。必相貨之。急於時者趨之。無所往而不與人爭。比得而趨者畢至。輒不獲市。其友又謂之曰。善賈者收人所不爭。

三謂之三  
弗聽三知  
悔然後以  
不如不悔  
結何等結  
禱

劉文成公全集

卷三

十

時來利必倍此白圭之所以富也。弗聽。又十年而大困。復思其言而拜曰。予今而後不敢不悔矣。他日以船入于海。要其友與偕。則汎濫而東。臨于巨澗。其友曰。是歸塘也。往且不可復。又弗聽。則入于大壑之中。九年得化鯤之濤。噓之以還。比還而髮盡白。形如枯腊。人無識之者。乃再拜稽首以謝其友。仰天而矢之曰。予所弗悔者。有。如。日。其。友。笑。曰。悔。則。悔。矣。夫。何。及。乎。人。謂。蹶。叔。三。悔。以。沒。齒。不。如。不。悔。之。無。憂。也。

詭食

齊人有好詭食者。每食必詭其僕。至壞器投七箸無空日。館人厭之。忍弗言。將行。贈之以狗。曰：是能逐禽。不腆以贈子行。二十里而食。食而召狗與之食。狗嗥而後食。且食而且嗥。主人詭于上而狗嗥于下。每食必如之。一日其僕失笑。然後覺。郁離子曰：夫人必自侮而後人侮之。又曰：飲食之人則人賤之。斯人之謂矣。

玄石好酒

劉文成公全集

卷三

十一

黔中仕于齊。以好賄黜。而困。謂秦龍先生曰：小人今而痛懲于賄矣。惟先生憐而進之。又黜。秦龍先生曰：昔者玄石好酒。爲酒困。五臟熏灼。肌骨蒸煮如裂。百藥不能救。三日而後釋。謂其人曰：吾今而後知酒可以喪人也。吾不敢復飲矣。居不能閱月。同飲至。曰：試嘗之。始而三爵。止明日而五之。又明日十之。又明日而大嚼。忘其故死矣。故猶不能無食魚。雞不能無食蟲。犬不能無食臭性之所耽。不能絕也。

兩好字兩  
四字紫  
紫紫

曲盡嗜酒  
歎

齋



句章野人

句章之野人。翳其藩以草。聞喑喑之聲。發之而得雉。則又翳之。異其重獲也。明日往聆焉。喑喑之聲。如初發之。而得蛇。傷其手以斃。郁離子曰。是事之小。而可以爲大戒者也。天下有非望之福。亦有非望之禍。小人不知禍福之相倚伏也。則傲幸以爲常。是故失意之事。恒生於其所得。意惟其見利而不見害。知存而不知亡也。

犂冥

劉文成公全集

卷三

十一

視日月而  
知衆星之  
義也。仰聖  
人而知衆  
觀之小也。

犂冥之梁父之山。得碼礪焉。以爲美玉而售之。人曰。是碼礪也。石之似玉者也。若以玉價售。徒貽人笑。且卒不克售。胡不實之。雖不足爾欲售矣。弗信。則抱而入海。將之燕。適海有恠濤。舟師大怖。徧索于舟之人曰。是必舟有寶而龍欲之耳。有則亟獻之。無惜。惜胥沒矣。犂冥拊膺而哭。問其故。曰。予實有重寶。今將獻之。不能不悲耳。索而視之。碼礪也。舟師啞然忘其怖。而笑曰。龍官無子。不能識此寶也。

理人甚禍  
無故之利  
以此

上以是欺  
下以是應  
文勢最緊

優柔以盡  
致緬邈以  
費踴躍人  
請三復于  
斯言

姑蘇之城圍。吳王使太宰伯嚭發民以戰。民詬曰：王日飲而不虞寇，使我至于此，乃弗自省而驅予戰，戰而死。父母妻子皆無所託，幸而勝，敵又不云予功，其奚以戰？太宰嚭以告王，請行賞。王恚不發，請許以大夫之秩。王顧有難色。王孫雄曰：姑許之，寇退，不與在我。王乃使太宰嚭布令，或曰：王好詐，必誑我。國人亦曰：姑許之，寇至，戰不戰在我。於是王築城，鳴夷子皮虎躍而

劉文成公全集卷之三

鼓之。薄諸閭闔之門。吳人不戰。太宰嚭帥左右扶王以登臺，請成弗許。王伏劍，泰伯之國遂亡。

鄙人學蓋

鄭之鄙人學為蓋。三年藝成而大旱，蓋無所用，乃棄而為桔槔。又三年藝成而大雨，桔槔無所用，則又還為蓋焉。未幾而盜起，民盡改戎服，鮮有用蓋者。欲學為兵則老矣。郁離子見而嗟之曰：是殆類漢之老郎與然。老與少非人之所能為也。天也。藝事由己之學，雖失時在命而不可



盡謂非已也。故粵有善農者鑿田以種稻。三年皆傷于澇。人謂之宜洩水以樹黍。弗對而仍其舊。其年乃大旱。連三歲。計其獲則償所歛而贏焉。故曰旱斯具舟。熱斯具裘。天下之名言也。

世農易業

狐丘之野人。世農農田之入儉。恒思易其業。而未有加於農者。其舅之子騶于邑大夫。歸而華其衣。見而企焉。遂棄農而往爲騶。其主曰汝自欲耳。余弗女逐也。三年而不返。則汝之田與廬。

劉文成公全集

卷二

十四

落梅詩云  
白孤花底  
三更月却

吾當使他人營之。無悔也。蹠而辭曰唯。越三年而其所事者物故。欲復歸。而田與廬皆易人矣。

言風易業  
言可思矣

故主憐而召之。而其同里皆疾其亡。故而違常也。遂慝不敢復而塗殍焉。或以語郁離子。郁離子曰古稱良農不爲水旱輟耕。良賈不以折閱廢市。正謂此也。吳人有養猿于籠。十年憐而放之。信宿而輒歸。曰未遠乎。昇而舍諸大谷。猿久籠而忘其習。遂無所得食。鳴而死。是以古人慎失業也。

多疑難與共事

郁離子曰。多疑之人。不可與共事。傲倖之人。不可與定國。多疑之人。其心離。其敗也。以擾傲倖之人。其心汰。其敗也。以忽夫。惟其多疑也。而後逢迎之。夫集焉。惟其傲倖也。而後亡忌。憚之。夫集焉。逢迎之。夫道其猜。而揜其明。亡忌。憚之。夫盈其欺。而厲其暴。然後益疑其所不當疑。而決其所不當決。敗而後悔。奚及哉。

天道

劉文成公全集

卷三

十五

盜子問於郁離子曰。天道好善而惡惡然乎。曰。然。曰。然則天下之生善者宜多而惡者宜少矣。今天下之飛者。鳥鳶多而鳳凰少。豈鳳凰惡而鳥鳶善乎。天下之走者。豺狼多而麒麟少。豈麒麟惡而豺狼善乎。天下之植者。荆棘多而稻粱少。豈稻粱惡而荆棘善乎。天下之火食。而豎立者。姦宄多而仁義少。豈仁義惡而姦宄善乎。將人之所謂惡者。天以爲善乎。人之所謂善者。天以爲惡乎。抑天不能制物之命。而聽從其自善。

曲盡多疑  
僥倖之弊



搔首問青  
天無限感  
慨

文情如武  
夷山曲姪  
轉不窮覺  
虛生無補  
于世者真  
足愧

惡乎將善者可欺。惡者可畏。而天亦有所吐茹。乎。自古至今。亂日常多。而治日常少。君子與小人爭。則小人之勝常多。而君子之勝常少。何天道之好善惡惡。而若是戾乎。郁離子不對。盜子退謂其徒曰。甚矣君子之私於天也。而今也辭窮於子矣。

繭絲

郁離子曰。蠶吐絲而為繭。以自衛也。卒以烹其身。而之所以賈禍者。乃其所自作以自衛之物。

劉文成公全集

卷二

十六

也。蠶亦愚矣哉。蠶不能自育。而託於人以育也。託人以育其生。則竭其力。戕其身。以為人用也。弗過人奪物之所自衛者。為已用。又戕其生。而弗恤其矣。而曰。天生物以養人。人何厚物何薄也。人能財成天地之道。輔相天地之宜。以育天下之物。則其奪諸物以自用也。亦弗過不能財成天地之道。輔相天地之宜。虫虫焉。與物同行。而曰。天地之生物以養我也。則其獲罪於天地。

大糸

東陵侯

古詩云君不見河陽花今如泥土昔如露又不見武昌柳春作青絲秋作帶人情物理如是如是

東陵侯既廢。過司馬季主而卜焉。季主曰君侯何卜也。東陵侯曰。久臥者思起。久蟄者思啓。久懣者思嚏。吾聞之畜極則洩。闕極則達。熱極則風。壅極則通。一冬一春。靡屈不伸。一起一伏。無往不復。僕竊有疑。願受教焉。季主曰。若是則君侯已喻之矣。又何卜為。東陵侯曰。僕未究其奧也。願先生卒教之。季主乃言曰。嗚呼。天道何親。惟德之親。鬼神何靈。因人而靈。夫著枯草也。龜

劉文成公全集卷三

枯骨也。物也。人靈於物者也。何不自聽而聽於物乎。且君侯何不思昔者也有昔者必有今日。是故碎瓦頽垣。昔日之歌樓舞館也。荒榛斷梗。昔日之瓊蕤玉樹也。靈蜃風蟬。昔日之鳳笙龍笛也。鬼燐螢火。昔日之金釭華燭也。秋荼春薺。昔日之象白駝峰也。丹楓白荻。昔日之蜀錦齊紈也。昔日之所無。今日有之。不為過。昔日之所。有。今日無之。不為不足。是故一晝一夜。華開者謝。一秋一春。物故者新。激湍之下。必有深潭。高



丘之下必有浚谷君侯亦知之矣何以卜爲

情爲欲使

墟詐者畏  
生之斧也  
伎害者滅  
性之波也  
嗜欲者熾  
命之火也  
極真極實

郁離子曰氣者道之毒藥也情者性之鋒刃也知其爲毒藥鋒刃而憑之以行者欲使之也嗚呼天與人神靈者也而皆不能不爲欲所使使氣與情得以逞其能而性與道反隨其所如往造化至此亦幾乎窮矣

枯荷履雪

郁離子見披枯荷而履雪者惻然而悲涓然而

劉文成公全集

卷二

十八

泣之沾其袖從者曰夫子奚悲也郁離子曰吾悲若人之陷死而莫能恤也從者曰夫子之志則大矣然非夫子之任也夫子何悲焉夫子過矣郁離子曰若不聞伊尹乎伊尹者古之聖人也思天下有一夫不被其澤則其心愧耻若撻于市彼人我亦人也彼能而我不能寧無悲乎從者曰若是則夫子誠過矣伊尹得湯而相之湯以七十里之國爲政于天下有人民焉有兵甲焉而用之執征伐之權以爲天下君而伊尹

禘出天宮  
真警察

歌聲甚慘

爲之師。故得志而弗爲。伊尹耻之。今夫子羈旅也。伊尹之事。非夫子之任也。夫子何爲而悲哉。且吾聞之。民天之赤子也。死生休戚。天實司之。譬人之有牛羊。心誠愛之。則必爲之求善牧矣。今天下之牧。無能善者。夫子雖知牧。天弗使牧也。夫子雖悲之。若之何哉。退而歌曰。彼岡有桐。兮此澤有荷。葉不庇其根兮。嗟嗟柰何。郁離子歸絕口不譚世事。

劉文成公全集

卷三

十九

聖頂快論  
從無人道

楚南公問于蕭寥子。雲曰。天有極乎。極之外。又何物也。天無極乎。凡有形必有極。理也。勢也。蕭寥子雲曰。六合之外。聖人不言。楚南公笑曰。是聖人所能知耳。而以奚不言也。故天之行。聖人以曆紀之。天之象。聖人以器驗之。天之數。聖人以筭窮之。天之理。聖人以易究之。凡耳之所可聽。目之所可視。心思之所可及者。聖人搜之。不使有毫忽之藏。而天之所闕。人無術以知之者。惟此。今又不曰不知。而曰不言。是何好勝之。



甚也。日未入而郊之。習草以食之。不與與。

項羽既自立爲西楚霸王。都彭城。狙丘先生自

齊之楚。牧豨請見曰。先生曷之往。先生曰。我將

見楚王。牧豨曰。先生布衣也。而見楚王。亦有說

乎。先生曰。楚王起草萊。爲天下除暴秦。分封諸

侯。而爲盟主。我將勸之以仁義之道。帝皇之事。

牧豨曰。善哉。先生之盛心也。其若楚國之勳舊。

何。狙丘先生不悅曰。小人亦有知乎。是非若所

及也。牧豨曰。臣牧豨者也。家貧無豨。而爲人牧

豨。豨藩則主人喜。而厚其傭。不則反之。故臣之

牧豨也。舒舒焉。詰朝而放之。使其躑躅于叢灌

之中。鼻糞壤而食腥穢。籍朽翳蒼。負塗以游。則

皆由由然不苦牧。而獲主人之驩。以不後臣之

傭。臣西家之子。慕利而求其術。臣靳欲專之。弗

以告也。西家子不能蕃其豨。主人恠之。恒不足

其傭。於是爲豨作寢處焉。高其垣。潔其槽。旦而

出之。日未入而收之。擇草以食之。不使啖穢臭

關鍵在此句

劉文成公全集 卷三

二十

應應致  
而有致

不  
令人  
不  
忍舍

百迴水轉  
令人把玩  
不忍舍

殺弗得逸。則皆亡之野。主人怒而逐之。今楚國  
之休戚。臣皆殺也。殺得其志。則王喜。不得其志  
則王不喜矣。遑恤乎其他。而先生欲使之易其  
心。以行子之道。幸而弗聽。先生之福也。其或聽  
焉。而不待其終。則先生之策未效。而先亡。王殺  
王。必怒。昔者衛鞅以帝王之道語秦孝公。終日  
不入耳。及以伯術語之。曾未移時。不覺其膝之  
前何哉。彼功利之君。鮮不務近而忽遠。故非堯  
禹不可與言道德。非湯武不可與謀仁義。今楚

劉文成公全集 卷三

二十一

王何如人哉。其所與立功業計政事者。非適戍  
之刑徒。則殺人之亡命也。攘攘其心而炎炎其  
欲者也。而欲與之論道德行仁義。是何異於被  
鹿麋以冠裳。而使與人同飲食哉。而王非此不  
可也。無乃擬先生之神。而無益於道乎。且先生  
之德。不如仲尼。猶霄壤也。仲尼歷聘諸侯。卒棲  
棲而無合。然後危于匡。困于宋。餓于陳蔡之間。  
幾不免焉。今楚王之威。非直孔子之時。諸侯大  
夫比也。先生之行。臣竊惑焉。君子謂狙丘先生



有救時之心。而不如牧豎之識事勢也。

割瘦

夷門之瘦人。頭沒于胛。而瘦代爲之。元口目鼻耳。俱不能爲用。郢封人憐而爲之。割之人曰。瘦不可割也。弗聽。卒割之。信宿而死。國人尤焉。辭曰。吾知去其害耳。今雖死。瘦亦亡矣。國人掩口而退。他日有惡春申君之專者。欲言于楚王。使殺之。荀卿聞之曰。是不亦割瘦之類乎。春申君之用楚。非一日矣。楚國之人。知有春申君而已。劉文成公全集卷三 二十二

春申君去。則楚隨之。是子又欲教王以割瘦也。

直言諛言

郁離子曰。烏鳴之不必有凶。鵲鳴之不必有慶。是人之所識也。今而有烏焉。日集人之廬。以鳴。則其人雖恒喜。亦莫不惡之也。有鵲焉。日集人之廬。以鳴。則其人雖恒憂。亦莫不悅之也。豈惟常人哉。雖哲士亦不能免矣。何哉。寧非以其聲與是故。直言人皆知其爲忠。而不能卒不厭。諛言人皆知其爲邪。而不能卒不惑。故知直言之

第五知諛  
狀于身之

利害文字

有根源處

又曰灼見

利害之實

前竿頭更

進一步

為藥石而有益于已然。後果於能聽知諛言之。  
為疾疾而有害于已然。後果於能不聽是皆怵  
于其身之利害而然也。是故善為忠者必因其  
利害而道之善為邪者亦必因其利害而欺之  
惟能灼見利害之實者為能辨人言之忠與邪  
也。人欲求其心之惑當於其聞烏鵲之鳴也識  
之。

世事翻覆

郁離子與客汎于彭蠡之澤。風雲不興。白日朗

劉文成公全集

卷三

二十三

照平湖若砥。魚蝦之出沒皆見。鼉如也。鼉如也。  
左之右之無不可者。客曰。有是哉。汎之樂也。吾  
得託此以終其身焉。足矣。已而山之雲出如縷。  
不頃刻而翳日。風歛然。薄石而偃木。鼓穹嶼而  
雷九淵。輪旋而箕簸焉。客蹠不能立。俯而噉伏。  
而不敢仰視。神逝鬼奪如死。曰。吾往矣。吾終身  
不敢復來矣。郁離子曰。世事亦若是也。夫干乘  
之君。坐朝而臨羣臣。受言接詞。鮮不温温然。一

候口託此

終身候曰

終身不來

絕肖絕肖

指出腹際  
值微二項

發盡滄海

朝而怒。莫敢櫻其鋒。其何以異於水平天下之



久安也。人恬不知患。謂之傲。不信。而死亡於夢寐者。亡限也。無亦知汎之樂。而不知風之可畏乎。慎兢觀于吕梁。見其觸石而煦沫也。曳足而走。曰。吾何爲冒是哉。沒齒而不涉。君子以爲知畏。其賢於海賈遠矣。故三峽之驚湍。望而知其能覆舟也。而蹈之以死者。不有其生者也。知汎之樂。而不知風之可畏者。未嘗夫險者也。故曰。暴虎馮河。死而無悔者。聖人不與也。言其知禍而弗避也。

劉文成公全集

卷三

二十四

食鯀

司城子之圍人之子食鯀而死。弗哭。司城子問之曰。父與子有愛乎。曰。何爲其無愛也。司城子曰。然則爾之子死而弗哭。何也。對曰。臣聞之。死生有命。知命者不苛死。鯀。毒魚也。食之者死。夫人莫不知也。而必食以死。是爲口腹而輕其生。非人子也。是以弗哭。司城子愀然歎曰。好賄之毒。其猶食鯀乎。今之役役者。無非口腹之徒也。而不知圍人之弗子也。甚矣。

標明交下  
可當波平  
鐘聲

說秦

瑕丘子旣說秦王歸而有矜色。謂慎子曰：人皆謂秦王如虎，不可觸也。今僕已摩其須，拍其肩矣。慎子曰：善哉！先生天下之獨步也。然吾嘗聞赤城之山，有石梁，五仞徑尺，而龜背。其下維千丈之谷，縣泉沃之，濕蘚被焉。無藤蘿以爲援也。有野人負薪而越之，不留趾而達。觀者皆喑惜，或謂之曰：是石梁也，人不能越。惟若能越之，得匪有仙骨乎？使還而復之。其人立而睨之，則足搖而不能舉，目運而不敢矚。今子之說秦王，是未覩夫石梁之險者也。是故過瞿塘而不慄者，未嘗驚於水者也。視狴犴而不惴者，未嘗中於法者也。使先生而再三之，則亦無辭以教僕矣。

劉文成公全集

卷三

二十五

夢騎  
芻厓之市。見市子之騎而都也。慕之。顧無所得。馬歸而恹形于色。一夕乃夢騎樂甚。寤而與其友言之。其友憐而與俱。適市。僦馬與之騎。以如陌。馬見青而風嘶而馳。駟然而驤。蹶然而若。息



芻吐抱鞍而號旋于馬腹之下馬躍而過之頭入于泥尺有咫其友馳救之免歸而謂其子曰知命者有大戒惟慎無乘馬而已

石激水

源空起  
受其首機

郁離子曰石激水山激風法激姦吏激民言激戎直激暴天下之紛紛生於激是故小人之作亂也由其操之急抑之甚而使之東西南北無所容也故進則死退則死進無所逃也則安得不避其急而趨其緩也哉夫人之有欲如嬰兒

劉文成公全集

卷三

十六

兒之欲乳也吾力不足以遏之而又不能舒徐以開之委曲以道之乃欲以一介之微挫其鋒於頃刻是何異乎以唾滅火以瓠捍刃也哉聖人知其無益也故曰人而不仁疾之已甚亂也及其見陽虎也則應之曰諾吾將仕矣而不與之爭也陳恒弑其君告夫三子不可則曰以吾從大夫之後不敢不告也而不與之辯也夫如是○何○激○之○有○哉○是○故○鯀○堙○洪○水○禹○乃○導○而○疏○之○然○後○地○平○天○成○之○功○不○在○鯀○而○在○禹○何○也○激○不

激之謂也。

楚巫

楚俗尚鬼。鬼實弗神也。而其巫謀神之。乃陰構于邑俠。請以其利共。邑俠以其情通于國俠。故得悉聞有司之事。與訟獄之勝負。驗如響。有不用巫言。則事之已右者必左。已左者必右。於是楚人之奉巫。過於奉王令。寧違王禁。而不敢違巫言。王聞之怒。命司馬戮巫。而焚其祠。國人大譟。相與爲譌言。於是楚旱。民皆以咎王。羣小巫

劉文成公全集

卷三

二十七

即上激字  
篇中皆繫  
在此

並起爲讎。遍國中皆稱鬼。王與令尹謀。盡殺巫。以問熊螫。父熊螫。父曰。是激也。未可。夫民愚而溺於禍福。彼方興用鬼。而吾驟遏之。未竟其期望。而謂吾怫其情。必怨。夫怨起於微。而積者也。十家之邑。一日不能戶無事。而况楚國乎。有事莫不諉諸鬼。則莫不倚鬼以尤王。其奚以禦之。不如因而充之。小人能壽禍而不避。充充而後昭。其詐則不戶說。而喻然後明。正其法。蔑敢違矣。乃命羣巫推一大巫以主鬼。而復其祠。國有



事亦請焉。而大選縣。公平庶獄。寬征役。絕請謁。黜貪墨。國邑之俠。皆屏跡。巫言多不中。民始解會。鄙有西師。王集其國老以祈巫。巫不得先聞。而失其辭。王以詰國老。國老愕弗能對。乃尸巫而褻鬼。無一人敢復言鬼。

公孫無人

柳下惠之弟跖盜于魯。魯人患之。公孫無人謂

展季曰。舜父瞽瞍而弟象。舜克諧以孝。烝烝乂不格姦。有諸。展季惻然無以應。明日而之盜跖。

劉文成公全集

卷二

二十八

盜跖環甲兵以自衛。揖其兄以入。還而坐。揚揚然問曰。聖人之聚人有道乎。展季曰。有。請問之。曰。太上以德。其次以政。其下以財。德久則懷。政弛則散。財盡則離。故德者主也。政者佐也。財者使也。致君子莫如德。致小人莫如財。可以君子。可以小人。則道之以政。引其善而遏其惡。聖人兼此三者而弗顯。其本末則天下之民無不聚矣。盜跖怫然曰。我之聚人也。異於是。驅之以白刃。漬之以赤血。從我者與之。其不從我者屠之。

卓哉名世之言

殘忍心口

如證

說別族種  
下千年初  
見

豈特師食  
然可慨

焚燒其室廬。芟翦其妻孥。蕪其土田。割其愛恩。斷絕其顧念。使之不奪不食。舍我奚適。吾將以是橫行于天下。而非若長者之迂也。展季啞然而返。曰。始吾謂人無不肖。皆異於禽獸。由今觀之。殆不若矣。遂隱于柳下。而別其族曰柳下氏。

### 楚人養猴

楚人養猴。衣之衣而教之舞。規旋矩折。應律合節。巴童觀而妬之。耻已之不如也。思所以敗之。乃袖茅粟以徃。筵張而猴出。衆賓凝眈。左右皆蹈節。巴童怡然揮袖。而出其茅粟。擲之地。猴褻衣而爭之。翻壺而倒案。楚人呵之不能禁。大沮。郁離子曰。今之以不制之師。戰者蠢然而蟻集。見物則爭趨之。其何異於猴哉。

### 良心

郁離子曰。人莫不親其父母也。而弗思他人之亦各親其父母也。莫不愛其子也。而弗思他人之亦各愛其子也。故有殺人之父母與子而不顧者。及其父母與子之見殺也。必報之。是其良心



良心具火  
然泉達之

機聖人因  
而善道之  
文最詳玩

人主聰明  
一蔽害何  
可言其賢  
生痛哭流  
涕之言乎  
起亦登巒  
突元

心○之○未○亡○猶○可○道○而○之○善○也○人○有○不○能○孝○於○父○  
母○而○鍾○愛○其○子○者○不○思○父○母○之○於○已○亦○猶○已○之○  
於○子○也○是○其○良○心○雖○亡○而○猶○有○存○者○亦○未○至○于○  
不○可○道○而○之○善○也○是○故○聖○人○立○教○因○其○善○端○而○  
道○之○使○之○引○而○伸○之○觸○類○而○長○之○候○以○明○之○撻○  
以○記○之○格○則○承○之○庸○之○否○則○威○之○生○之○者○天○地○  
父○母○而○成○之○者○君○師○也○不○然○名○雖○曰○人○與○禽○獸○  
何○別○焉○

飲漆毒水

劉文成公全集

卷二

八十三

熊○螫○父○謂○子○離○曰○今○有○病○渴○而○刺○漆○汁○以○飲○之○  
可○乎○曰○不○可○有○魚○于○池○而○患○癩○則○毒○其○水○可○乎○  
曰○不○可○曰○然○則○子○之○王○亦○未○之○思○也○甚○矣○王○患○  
民○賦○之○不○均○也○而○用○司○馬○發○司○馬○發○極○人○力○之○  
所○至○務○盡○收○以○爲○功○見○利○而○不○見○民○民○入○不○足○  
以○爲○出○老○弱○餓○殍○田○野○荒○虛○而○王○未○之○聞○也○王○  
患○敵○寇○之○未○弭○也○而○用○樂○和○樂○和○說○士○卒○以○剽○  
掠○見○兵○而○不○見○民○民○視○之○猶○虎○狼○所○過○妻○孥○不○  
保○而○王○未○之○知○也○是○何○異○乎○刺○漆○汁○以○止○渴○毒○

池水以禁獺哉。王如不寤。吾恐民非民。而國非王國矣。

石羊先生自歎

石羊先生倚楹而歎曰。嗚呼。予何爲其生乎。人皆娛娛。我獨離離。人皆養養。我獨罔罔。謂天之棄之乎。則比人爲有知。謂天之顧之乎。則何爲使予生於此時。時乎命乎。我獨于懼。東乎西乎。南乎北乎。吾安所歸。獨不如魚與鼈乎。潛居于坻。又不如鴻與鴈乎。插羽而飛。何不使之爲玉。劉文成公全集卷三 三十一

小人猶膏

爲石乎而彊生。以四肢又何不使之冥冥。木木不知痛痒。以保其真乎。而予之以致寇之貨。陷之以不測之機。於是悲風蔽天。四野淒涼。浮雲不行。霰雪交零。日月爲之無光。七日。

郁離子曰。小人其猶膏乎。觀其皎而澤瑩。而媚若可親也。忽然染之。則膩不可濯矣。故小人之未得志也。尾尾焉。一朝而得志也。岸岸焉。尾尾以求之。岸岸以居之。見乎聲。形于色。欲人之知。

長歌之末  
痛於悲悼  
對之凄然

尾尾豈首  
喪氣也乞  
態騎態絕  
似



也如弗及是故君子疾夫尾尾者

### 鷹化爲鳩

岐山之鷹旣化爲鳩。羽毛爪觜皆鳩矣。飛翔于  
林木之間。見羣羽族之矍然集也。趨然忘其身  
之爲鳩也。尅然而鷹鳴焉。羣鳥皆翕伏。久之有  
鳥翳薄而闖之。見其爪觜羽毛皆鳩而非鷹也。  
則出而噪之。鳩倉皇無所措。欲鬪則爪與觜皆  
無用。乃竦身入于灌。鳥呼其朋而逐之。大困。郁  
離子曰。鷹天下之鷲也。而化爲鳩。則旣失所恃  
矣。又鳴以取困。是以哲士安受命而大含忍也。

天英雄語

劉文成公全集入卷三

三十二

### 城莒

莒比離公城莒視絳都。正輿大夫諫曰。晉天下  
之大國也。而作絳都。二年然後成。民猶弗堪。而  
况於莒乎。蕞爾國於晉不百一。以一企百。何異  
乎以羔服象乘乎。且城成而與守者民也。悉莒  
國之人。不直晉一邑。而矧敢視絳。苟有事焉。民  
集于一隅。三則否矣。乃損而參之。盡役其老幼。  
五年而不畢。楚師伐之。民不戰而潰。君子謂莒

此離公之智不如螳。螳計其徒之多寡以作室。有戒則徙徙。各執其事。有抵者負其螳以行。今離公爲國而不量其力。不喪何待。

### 寡悔

都離子曰。食主于療饑。其功在飽。而甘旨不與焉。衣主于御寒。其功在暖。而華飾不與焉。飽煖主也。甘旨華飾客也。言文而不信。行詭而不實。是專事爲客而亡其主也。是猶構九成之樓。而以竹柱也。嗚呼。人之於事也。能辨識其何者爲

認客作主者直須認取主人翁方有受用

劉文成公全集

卷三

二十三

主何者爲客。而不失其權度。則亦庶幾乎寡悔矣夫。

### 晚成

屠龍子失馬而治廐。人曰晚矣。屠龍子曰。折肱而學醫。未晚也。昔者齊桓。晉文。公皆先喪其國。而後歸爲五伯。越王句踐。棲于會稽。而後滅夫差。作諸侯長。知武子囚于楚。而後歸相晉侯。光復先君之業。孫子則足。而後爲大國師。破軍斬將。威動天下。伍子胥喪家出奔。而後入郢。復其

目望之賢  
白首乃還  
百里之智  
尚髮相表  
故君子貴  
自信



父兄之讐。范睢折脅拉齒。棄于箕中。而後相秦。斬魏齊。此三君匹大夫者。方其逃奔困厄之際。孰不謂其當與枯葦落葉。同腐土壤。而一旦光輝煥赫。使人仰之如日星之在上。向使其甘於危亡而自暴也。則亦已矣。如七月之旱禾不生矣。猶可芟而望其櫓。若以爲晚而遂棄之。困卒荒矣。數月而馬歸。人服其識。

可以待士...

齊宣王與盼子游于囿。出鳥獸魚鼈而觀之。見

劉文成公全集 卷一 三十四

其馴狎而不驚也。洋洋然有喜色。盼子問曰。王

何以能使之若是哉。王曰。吾惟其性之欲。而弗

逆焉耳。盼子曰。王必以山林處其狐狸猴猿。沼

處其魚鼈。而澤處其鴻雁乎。王曰。然。盼子曰。王

必以肉飽其虎豹。果飽其猴猿。稻梁飽其鴻雁。

雞鶩飽其狐狸乎。王曰。固然。盼子曰。使虎豹一

日無肉。猴猿一日無果。鴻雁一日無稻梁。狐狸

一日無雞鶩。則王能安之乎。王曰。不能也。今欲

以澤沼處虎豹。狐狸猴猿。而山林處鴻雁魚鼈。

得惟性之  
欲一句方  
好語難下  
便詞急沛  
然一馮千

則王能馴之乎。王曰不能也。曰然則王之所以處鳥獸魚鼈無不得其所矣。彼必感王之德而

知所以報王矣。今濟與洸鬪。河濟洸泗同溢。民

庶流離。無人以拯之。臣請舉豹。三晉合兵伐我

侵車東至阿。無人以治之。臣請舉虎。瀛博之間

海溢。水冒于城郭。無人以疏之。臣請舉鼈。四郊

多壘。烽火不絕。狗偷鼠竊。乘時而興。無人以治

之。臣請舉狐。戎卒相持。千里餽餉。禾黍不登。倉

廩空竭。無人以理之。臣請舉雁。禮典違闕。紀法

失守。敵國使至。無人以治之。臣請舉猴。忠信之

孚。民隱其情。斷獄多辟。無人以明之。臣請舉獾。

力本無貲。草萊滋蔓。田野荒蕪。無人以闢之。臣

請舉狸。而王可以坐鎮齊國矣。王勃然色變。盼

子曰。王無怪也。臣以為王不惜桑麻之地。以為

山林沼澤。不惜人食。以養禽獸者。為其足以承

王之任使也。今肯不可。則必於人乎。取之。而王

之待士。未見有惟見性之欲。而弗逆者也。未見

有處之。必以其處。而食之。必以其食者也。則王

劉文成公全集

卷三

三十五

一轉轉折

符偽令人

心服而文

深疎淺

常



之所重。輕人知之矣。而又欲繩之以王之微。纒  
範之。以王之集。度疆之。以其所不能。迫之。以其  
所不願。則任王之事者。非圖舖饜。則有所不得  
已焉耳。而欲望其悉心竭力。與王共治齊國。是  
何異乎築枯籬以防水。鑽朽木以取火哉。於是  
宣王豁然大寤。投案而起。下令放禽獸。開沼澤。  
與民共之。禮四方之賢士。立盼子以爲相。齊國  
大彊。秦楚致霸。盼子之力也。

劉文成公全集

卷三

三十六

大獸秦楚。楚羅銀子。公也。以之臣請來後  
與吳共之。黜四衣之賀士。立銀子以爲相。齊國  
宜至。繕然大寐。對案而步。下令放禽。燿耀。臣  
何異乎築枯籬。以防水。鑽朽木。以取火。楚羅銀  
子。謀耳。而欲望其悉心竭力。與王共治齊國。是  
何不願。則任王之事。者非圖舖饜。則有所不得  
已焉。以王之集。度疆之。以其所不能。迫之。以其  
所不願。則任王之事。者非圖舖饜。則有所不得  
已焉耳。而欲望其悉心竭力。與王共治齊國。是  
何異乎築枯籬。以防水。鑽朽木。以取火哉。於是  
宣王豁然大寤。投案而起。下令放禽獸。開沼澤。  
與民共之。禮四方之賢士。立盼子以爲相。齊國  
大彊。秦楚致霸。盼子之力也。

劉文成公全集卷四

以人命同欲慈恤其景陵後學鍾不惺評輯

之亦不取罪而曰仁和後學燕如鳳較訂具

之郁離子為劉蕢哉子不非語其毒人之蟲也

之巢蛇蝎典補蛇蝎其兩眼之與毒而眼

楚人有見蛇蝎而必殺之者又有曲為之容而

惟恐人之傷之者或曰斯二者孰是郁離子曰

其亦殺之者是而容之者非耳或曰人有害於

人傷成而受罪律也今蛇與蝎未嘗殺人而輒

劉文成公全集卷四

殺之不已甚乎郁離子曰是非若所及也夫人

與物之輕重較然殊矣蟲蛇之無知而欲以待

人者待之不亦惑乎昔者周公命庭氏射妖鳥

以救日之弓救月之矢又命誓篾氏掌覆妖鳥

之巢著為典訓故孫叔敖見兩頭之蛇殺而埋

之其母以為陰德君子不非焉况毒人之蟲中

之者不死則瘕而曰必待其傷成而後可殺是

以人命同於蟲蛇其失輕重之倫不亦甚哉近

世之為異端者以殺物為有罪報而大小善惡

宜明刑故  
痛殺看反  
殺辨折極  
快



無所別。故見惡物而曲爲之容。私於其身。爲之而不顧其爲人之害。其操心之不仁。可見。吾故曰是非若所及也。

鷓鴣好音

似送孟東野序而曲折過之

吳王夫差與羣臣夜飲。有鷓鴣鳴于庭。王惡使彈之。子胥曰是好音也。弗可彈也。王惟而問之。子胥曰王何爲而惡是也。夫有口則有鳴物之常也。王何惡焉。王曰是妖鳥也。鳴則不祥。是以惡之。子胥曰王果以爲不祥而惡之。與則有口

劉文成公全集

卷四

二一

而爲不祥之鳴者。非直一鳥矣。王之左右皆能鳴者也。故王有過則鳴以文之。王有欲則鳴以道之。王有事則鳴以持之。王有聞則鳴以蔽之。王臣之順已者則鳴以譽之。其不順已者則鳴以毀之。凡有鳴必有爲。故其鳴也能使王喜。能使王怒。能使王聽之而不疑。是故王國之吉凶。惟其鳴。玉鼎也。則其不祥孰大焉。王胡不此之虞。而鳥鳴是虞。夫吉凶在人。禽鳥何知。若以爲不祥。則慮而先爲之防。求吾闕而補焉。所益

多矣。臣故曰是好音也。

靳尚

抱好國策

屈子謂楚襄王曰。王之所以愛靳尚者。謂其善任使令。與夫國王國民王民也。靳子有事焉。非王言不獲。是楚人之聽于靳子也。以王故。然則靳子無王不可也。而王亦何賴於靳子哉。今王委國靳子。食不由靳子。則不甘於口。衣不由靳子。則不安于體。出號令不由靳子。則王心惘然。以爲不足。臣竊惑焉。昔商王受之任蜚廉惡來輩也。惟王之所欲而奉之。揣王之心。度王之意。多方以迎合。自以爲大忠於王。而不知爲王集天下之怒。牧野之聚。王亡而身與之俱。亦何益哉。今靳子不鑒往轍。而王蠱是裕。王忱有德令。則靳子收其恩曰。余實爲之。民弗堪命。則曰。余將若王。何利究于下。而怨歸于上。臣恐楚國之非王國也。襄王大怒。放屈子于湘江之源。屈子去楚。楚乃大弱于秦。

劉文成公全集

卷四

論樂



爲之噴息  
相探和氏  
伯樂爲之  
谷嗟玉石  
此英雄所  
以袖手也

此正爲方  
谷珍而發  
持論甚正  
而文亦明  
爽駿快盛  
世之文

熊螫父居楚。有見聞必言。不待王之問也。及其  
之宋。宋王雖問之。弗言。或曰。宋王之待先生不  
薄於楚王。而先生或言焉。或不言焉。無乃異乎。  
熊螫父曰。子亦嘗學樂乎。鼓鐘縣矣。和之以琴。  
瑟間之以笙磬。合止柷。敵然而入音。諧而簫韶  
成矣。今有陳箏箎笛缶。間以鏡。鉞和以羯鼓。雖  
有鳴球。磬。筦。其可以雜奏乎。是故雷不鳴于啓。  
蟄而鳴于日至。則天道變。雞不鳴于向晨。而鳴  
于宵中。則人聽惑。

劉文成公全集

卷四

招安

郁離子曰。勸天下之作亂者。其招安之說乎。非  
士師而殺人。謂之賊。非其財而取。諸人謂之盜。  
盜賊之誅。於法無宥。秦以苛政鬪民。漢王入關。  
盡除之。而約三章焉。殺人傷人及盜而已。秦民  
果大悅。歸漢。漢卒有天下。由是觀之。豈非他禁  
可除。而惟此三者不可除乎。天生民。不能自治。  
於是乎立之。君付之。以生殺之權。使之禁暴誅  
亂。抑頑惡。而扶弱善也。暴不禁。亂不誅。頑惡者

白安原蒙  
徐愉補之

事辭嚴義  
正足令鼠  
輩懾伏

無此一駁  
豈勢便寄

不○抑○善○者○日○弱○以○消○愚○者○化○而○從○之○亦○已○甚○矣○  
而○又○崇○之○以○爵○祿○華○之○以○寵○命○假○之○以○大○權○使○  
無○辜○之○民○不○可○與○共○戴○天○者○釋○其○讐○而○服○事○焉○  
是○誠○何○道○哉○遂○使○天○下○之○義○士○喪○氣○勇○士○裂○背○  
貪○夫○悍○客○攘○臂○慕○效○以○要○利○祿○故○曰○勸○天○下○之○  
作○亂○者○招○安○之○說○而○世○主○弗○寤○也○悲○夫○或○曰○然○  
則○舞○干○羽○而○苗○格○非○與○曰○甚○哉○俗○儒○之○楛○于○文○

以○誤○天○下○也○舜○典○曰○竄○三○苗○于○三○危○又○曰○分○北○  
三○苗○夫○竄○與○分○北○皆○非○撫○納○降○附○之○詞○也○則○豈○

劉文成公全集

卷四

五

因○其○來○格○而○遂○爲○之○哉○非○人○情○也○聖○人○豈○爲○之○  
必○也○以○兵○臨○之○而○後○分○北○其○來○格○者○安○之○頑○不○  
俊○者○竄○之○耳○又○况○干○羽○非○特○文○舞○則○非○曰○誕○敷○  
文○德○而○遂○弛○其○伐○苗○之○謀○明○矣○臯○陶○曰○苗○頑○弗○  
卽○工○帝○念○哉○念○茲○在○茲○則○有○虞○之○君○臣○不○頃○刻○  
而○忘○苗○可○想○而○見○豈○若○後○世○衰○微○偷○惰○之○君○  
以○姑○息○爲○幸○而○以○勸○賢○之○爵○祿○勸○天○下○之○大○惡○

哉

文○崇○志○以○勸○賢○之○爵○祿○勸○天○下○之○大○惡○

不○止○盜○孽



不及夏  
而森鬱  
致無窮

設兩端近  
文境新其

愛惜人才  
為社稷計  
千古用入  
良法具盡  
于此

盜。準。以。如。芑。之。鉤。係。八。尺。之。絲。鉤。牛。舌。而。牽。之。  
宵。夜。而。牛。隨。之。行。莫。之。違。也。故。世。之。善。盜。牛。者。  
稱。準。焉。郁。離。子。曰。是。所。謂。盜。道。也。中。其。骨。扼。其。  
害。操。其。機。而。運。之。蔑。不。從。矣。石。羊。先。生。曰。此。古。  
人。制。盜。之。道。也。今。人。弗。能。也。盜。用。之。矣。

種穀

罔。與。勿。析。土。而。農。耨。不。勝。其。草。罔。併。燒。以。焚。之。  
禾。滅。而。草。生。如。初。勿。兩。存。焉。粟。則。化。而。為。稂。稻。  
化。為。稗。胥。顧。以。餒。乃。俱。訴。于。后。稷。曰。穀。之。種。非。

劉文成公全集

卷四

六

良。問。而。言。其。故。后。稷。曰。是。女。翼。也。夫。穀。由。人。而。  
生。成。者。也。不。自。植。也。故。水。泉。動。而。治。其。畝。靈。雨。  
降。而。播。其。種。蜩。蟬。鳴。而。芸。其。草。糞。壤。以。肥。之。泉。  
流。以。滋。之。其。壽。也。刪。其。非。類。不。使。傷。其。根。其。植。  
也。相。其。土。宜。不。使。失。其。性。濼。疏。曠。溉。舉。不。違。時。  
然。後。可。以。望。有。秋。今。女。不。師。諸。先。民。而。率。由。乃。  
心。以。過。天。生。乃。弗。懲。爾。躬。而。歸。咎。于。種。之。非。良。  
其。庸。有。愈。乎。

范鎮云人生如樹花同發隨風而散或墜苗庶或落糞澗貴賤雖殊因果何在暗此可以俟命

只是論道理破盡一切玄虛

汪罔之國人長。其脛骨過丈。捕獸以為食。獸伏則不能俯而取。恒飢焉。僬僥之國人短。其足三寸。捕蝮以為食。蝮飛則不能仰而取。亦恒飢焉。皆訴于帝媧。帝媧曰。吾之分大塊以造女也。雖形有巨細。而耳鼻口目頭腹手足心肝腑腸毛孔骨節。無彼此之多寡也。長則用其長。短則用其短。不可損也。亦不可益也。若核之有仁么乎。其微而根榦枝葉莫不具矣。若卵之有殼。塊乎其冥而羽毛觜爪無不該矣。今女欲為核之仁乎。卵之殼乎。是在女矣。非吾所能與也。

劉文成公全集

卷四

七

神仙

虺韋問于羅離子。奇曰。或稱神仙有諸。曰。有之。曰。何以知之。曰。以物。請問之。曰。狐獸也。老楓木也。而皆能惟變。人物之靈。夫奚為不能惟變。故神仙人之變。惟者也。惟可有不可常。是故天下希焉。曰。神仙不死乎。曰。死。曰。何以知之。曰。天以其氣分而為物。人其一物也。天下之物異形。則所受殊矣。修短厚薄各從其形。生則定矣。惟神



仙爲能有其受而焉能加之故物之大者一天而無二天者衆物之共父也神仙人也亦子之一也能超乎其羣而不能超乎其父也夫如是而後元氣得以長爲之壹不然則非天矣

貪利貪德辨

此與前篇聖人善盜之意相似

郁離子曰貪與廉相反而貪爲惡德貪果可有乎匹夫貪以亡其身卿大夫貪以亡其家邦君貪以亡其國與天下是皆不知貪者也知貪者其惟聖人乎聖人之於仁義道德猶小人之於

劉文成公全集 八卷四

貨財金玉也小人之於貨財金玉無時而足聖人之於仁義道德亦無時而足是故文王周公

孔子皆大聖人也文王視民如傷自朝至于日中曷不遑暇食周公思兼三王以施四事以夜

繼日坐而待旦孔子曰吾有知乎哉無知也聖人之貪於仁義道德若是哉故以其貪貨財金玉之心而貪仁義道德則昏可明狂可哲而人弗能也故於貨財金玉則貪而於仁義道德則廉遂使天下之人專名貪爲惡德而惡之則小

文王貪于愛民周公貪于勤政孔子貪于敏不貪貨真德誠極快極快

人之罪也。夫此鬼之可以言也。實琴鬼而論之。

論鬼

管豹問曰：人死而為鬼，有諸？郁離子曰：是不可

以一定言之也。夫天地之生物也，有生則必有

死。自天地開闢，以至于今，幾千萬年，生生無窮。

而六合不加廣也。若使有生而無死，則盡天地

之間，不足以容人矣。故人不可以不死者，勢也。

既死矣，而又皆為鬼，則盡天地之備，不足以容

鬼矣。故曰：人死而皆為鬼者，闕也。然而二氣之

劉文成公全集 卷四

變不測。萬一亦有竟離其鬼而未遂散者，則亦

暫焉而不能久也。夫人之得氣以生，其身猶火

之著木，然竟其燄體其炭也。人死之竟復歸于

氣，猶火之滅也。其燄安在哉？故人之受氣以為

形也，猶酌海于盃也。及其死而復于氣也，猶傾

其盃水而歸諸海也。惡得而恒專之，以為鬼哉？

曰：然則人子之祀其祖父也，虛乎？曰：是則同氣

相感之妙也。是故方珠向月，可以得水；金燧向

日，可以得火。此理之可見者也。虞琴彈而薰風

此辨甚正

神之于形 猶利之于

刀，未有刀

沒而利存

豈有形匹

而神在遠

快之極乎

古名言



可謂識見  
神情狀

生夔樂奏而鳳凰來聲氣之應不虛也故鬼可  
以有可以無者也子孝而致其誠則其鬼由感  
而生否則虛矣故廟則人鬼享孝誠之所致也  
不然先王繼絕世以復明祀豈其鬼長存而饌  
乃至此而復食耶

### 江淮之俗

江淮之俗以斗指寅申亥為天地水三官按罪  
錫福之月而致齋以邀祥焉滿三年計之多不  
得祥而得禍人曰若是乎鬼神之渺茫也郁離

劉文成公全集

卷四

十

足以破愚  
俗

此段言神  
才受欺媚

直者也惟其聰明也故無蔽焉惟其正直也故  
無私焉無蔽無私不可欺也則亦不可媚也今  
擇其按罪錫福之辰而致齊焉是欺之也焚香  
炳燭朝夕稽叩拜跪是媚之也人之稍有知識  
者不受欺與媚而况於聰明正直之鬼神乎今  
之致齊者非濫官汙吏姦胥悍卒即市井豪儉  
及巨商大賈之為富而不仁者使鬼神果有按  
罪錫福之典則斯人也降之祥乎降之禍乎故

此段言致  
齊之人鬼  
神未必降  
祥

曰。若。是。則。鬼。神。不。渺。茫。矣。

嶽祠

謂禮鬼神  
正是大不  
敬處善  
至語

郁離子觀于嶽祠悵然嘆曰悲哉先王之道隱  
而鬼神亦受人之誣也而况于人乎管豹問曰  
何也郁離子曰若不聞聖人之言曰曾謂泰山  
不如林放乎言泰山不享非禮之祭也今也又  
從而為之祠形其神而配以妃不亦誣且褻乎  
夫人之生死有天命焉福善禍淫天之道也使  
誠有鬼司之猶當奉若帝命其敢受非禮之祈  
劉文成公全集卷四十一

天下貴大同

海島之夷人好鯉得蝦蟹螺蛤皆生食之以食  
客不食則咻焉裸壤之國不衣見冠裳則駭反  
而走以避五谿之蠻羞蜜啣而珍桂蠹貢以為  
方物不受則疑以迷郁離子曰世之抱一隅之  
聞見者何莫非是哉是故眾醉惡醒眾貪惡廉  
眾淫惡貞眾汙惡潔眾枉惡直眾情惡勤眾佞

賈子云莫  
和為鈍兮  
銀刀為割  
東坡云鑿  
丹青于玉  
鑿分乃反  
謂子為非  
智不同至  
此令人慨  
然



惡忠衆私惡公衆媿惡禮猶鴟鴞之見人而赫也故中國以夷狄爲寇而夷狄亦以中國之師爲寇必有能辨之者是以天下貴大同也

麋虎

借麋虎寫會暴永監縱筆而性曲折無不如意是錄家得意文字  
虎逐麋麋奔而闕于崖躍焉虎亦躍而從之俱墜以死郁離子曰麋之躍於崖也不得已也前有崖而後有虎進退死也故退而得虎則有死而無生之冀進而躍焉雖必墜萬一有無望之生亦愈於坐而食於虎者也若虎則進與退皆

劉文成公全集卷四

十二

在我無不得已也而隨以俱墜何哉麋雖死而與虎俱亡使不躍于崖則不能致虎之俱亡也雖虎之真亦麋之計得哉嗚呼若虎可以爲貪而暴者之永鑒矣

躁人

晉鄭之間有躁人焉射不中則碎其鵠奕不勝則齧其子人曰是非鵠與子之罪也蓋亦反而思之乎弗喻卒病躁而死郁離子曰是亦可以爲鑒矣夫民猶鵠也射之者我也射得其道則

真煩惱場  
甲清涼散

中矣。兵猶子也。行之者我也。行得其道則勝矣。致之無藝用之無法。至於不若人而不勝其憤。恚非所當恚。烏得而不死。

立教

郁離子曰。今有人焉。坐高堂之上。指使臧獲。則不得其心者。十恒七八。不得其心而怒叱左右。碁之色與聲並厲。左右承顏而接言。懼其怒之將已遷也。而亦以厲出之。受指使者不知吾怒之所在。則倉惶而愈亂。愈不得於吾心。則吾之

孟用愈字  
蕭山蒼偉

劉文成公全集

卷四

十三

光景

怒愈加。出愈厲。承顏而接言者。亦不知吾怒之所在。以意度意。愈碁而愈。吾違故小怒則小違。大怒則大違。雖以劔挺臨之。不能使之得吾心也。是故君子之使人也。量能以任之。揣力而勞之。用其長而避其缺。振其怠而提其蹶。教其所不知。而不以我之所知責之。引其所不能。而不以我之所能尤之。誨之循循出之。申申不震。不暴。匪怒伊教。夫如是。然後懲之。而不敢。懟刑之。而不敢。怨。詩曰。豈弟君子。民之父母。如是斯可。

覺世憂心  
三齊遊錄



以爲民之父母矣。

應侯止秦伐周。

秦起兵欲攻周。國人皆不與。應侯謂秦昭王曰。

臣之里公孫弗忌。弱其鄰之老。而謀食飲之。哀

其徒。謂之曰。彼子鄰之叟也。富而嗇。吾將與若

往。食飲之。其徒曰。彼雖富而甚嗇。其奚以食飲

之。曰。我且盜之。其徒皆愀然。明日又欲往。其徒

曰。子之謀鄙。盍更諸。曰。我將脅而取之。其不從

者半。弗果往。他日又曰。請以貨先爲之市。其禮

劉文成公全集

卷四

十四

召主人而醺醉之。多取物而日稽其直。且速其

子弟以爲常。不數歲。吾將竭其藏。何如其徒皆

欣然從之。夫三言者。其以不道取諸人均也。而

有從不從焉者。避其名也。今周天下之共主也。

無桀紂之惡。無辭而攻之。誰甘受其名。臣固知

國人之不與也。

樹怨

怨者。惟其重已而輕人也。

郁離子曰。樹天下之怨者。惟其重已而輕人也。

所重在此。所輕在彼。故常自處其利。而遺人以

而不與字  
兩名字開  
合極略按  
周與嗇等  
字更相映  
射

才爲凶虞  
所伏說得  
凜凜

不利。高其智以下人之能。而不顧夫重已輕人。人情之所同也。我欲然。彼亦欲然。求其欲弗得。則爭。故爭之弗能。而甘心。以上人者。勢有所不至。力有所不足也。非夫人之本心也。勢至力足。而有所不爲。然後爲盛德之人。雖不求重于人。而天下之人莫得而輕之。是謂不求而自至。今人有悻悻自任者。矜其能以驕。有不自已出。則不問是非。皆以爲未當。發言盈庭。則畏之者。唯唯外之者。默默焉。然後揚揚乎。自以爲得。而不

劉文成公全集

卷四

十五

知以其身爲怨海。亦奚益哉。昔者智伯之亡也。惟其以五賢陵人也。人知笑智伯而不知檢其身。使亡國敗家。接踵相繼。亦獨何哉。

唐蒙薜荔

唐蒙與薜荔俱生于松樸之下。相與謀所麗。唐蒙曰。樸不材木也。蒼而翳。松根石髓而生。茯苓是惟百藥之君。神農之雨師。食之以仙。其膏入土是爲琥珀。爰與冰玉琅玕同爲重寶。其幹聳壑。而干霄。其枝膠流。其葉扶疎。爰有百藥絃篋。



爾禽藏于  
藻羽穴豹  
死于文皮  
吾寧守吾  
穰

疑落葉矣  
又空作鬼  
音弗敢眠  
又俯之而  
陰然之三  
段說符活  
現于是信  
鬼不信盜  
矣兩鬼信  
極理

之○音○吾○舍○是○無○以○麗○矣○薜○荔○曰○信○美○然○由○僕○觀○  
之○不○如○樸○矣○夫○美○之○所○在○則○人○之○所○趨○也○故○山○  
有○金○則○鑿○石○有○玉○則○劖○澤○有○魚○則○竭○藪○有○禽○則○  
薙○今○以○百○尺○梢○雲○之○木○不○生○于○窮○崖○絕○谷○人○跡○  
不○到○之○地○而○挺○然○于○衆○覲○而○又○曰○有○茯苓○焉○有○  
琥○珀○焉○吾○知○其○戕○不○久○矣○乃○梟○而○財○于○樸○鑽○蚋○  
蟠○之○穴○以○入○其○條○纏○其○心○而○出○焉○於○是○樸○之○葉○  
不○生○而○柯○枚○條○榦○悉○屬○于○薜○荔○中○虛○而○外○皮○索○  
籜○如○也○歲○餘○齊○王○使○匠○石○取○其○松○以○為○雪○宮○之○  
梁○唐○蒙○死○而○薜○荔○與○樸○如○故○

劉文成公全集

卷四

十六

畏鬼

荆人有畏鬼者聞槁葉之落與蛇鼠之行莫不  
以為鬼也盜知之於是宵窺其垣作鬼音惴弗  
敢眠也若是者四五然後入其室空其藏焉或  
侮之曰鬼實取之也中心惑而陰然之無何其  
宅果有鬼由是物出于盜所終以為鬼竊而與  
之弗信其人盜也郁離子曰昔者趙高之譖蒙  
將軍也因二世之畏而微動之二世之心疑矣

死蔽一語  
頭門針

乃過其請以怒恬又煽其憤以激帝知李斯之  
有諫也則揣其志而先宣之反覆無不中於是  
君臣之猜不可解雖謂之曰高實爲之弗信也  
故曰讒不自來因疑而來間不自入乘隙而入  
由其明之先蔽也

賞爵

郁離子與艾大夫偕謀盜士有俘盜以講賢者  
子之金不願而請爵大夫不可郁離子請予之  
大夫曰爵王章也弗可濫也郁離子曰大夫之  
劉文成公全集 卷四 十七  
言是也然吾嘗觀于圃人矣果實之未摘雖其  
家人不敢求嘗焉及其既摘而餘則蚊蚋皆聚  
而嘔之矣漢曲之處女色若朝虹觀者慕之不  
敢求也一旦歸于倡家則僇子佻夫庸奴賤皂  
之有金者皆得而覬之今朝廷之尊爵大盜得  
之士之有耻者弗欲仕矣而猶有願之者未之  
思也矧敢斬乎比鄙之獠人以肉豢狗而怒其  
子之竊食其膾於是室家離心子必侮之

井田可復

冠下養中  
即將鬪羊  
頭都騎侯  
俱廣世嫉  
俗之言



或問於郁離子曰井田可復乎。郁離子曰。曰。何如其可也。曰。以大德戡大亂。則可也。夫民情久佚。則思亂。亂極而後願定。欲謀治者。必因民之願定而爲之。制然後疆無梗。猾無間。故令不疚而行。請問之。曰。天下之宴安也。人不嘗苦辛。不知亂之無所容其身。而易於怨上。故一拂其欲。則憤激而思變。有從而倡之。亂斯作矣。是故老成之人。慎紛更焉。非爲苟也。畏未得其利而先覩其害也。故民猶馬也。廐牧以安之。豆粟以

劉文成公全集

卷四

十八

飲之。且而放之。莫不振鬣而奔風。牝鳴而牡應。嘶馳踉突。惟意所如。不可逐而馮也。及其負鹽車。歷羊腸。流汗踈足。飢不得秣。倦不得息。踰數百千里而歸。望皂櫪如弗及。見圍人而斂沫。則雖鞭之使逸。否矣。及此而調之。其有不服者乎。是故聖人與時偕行。時未至而爲之。謂之躁。時至而不爲之。謂之陋。今民風不淳。而古道之廢。興。欲不欲者。各半。故以大德戡大亂。則井田亦可復也。

得其糟類  
遺其神理  
不爲識者  
吐而笑者  
廡矣

客有好佛者。每與人論道理。必以其說駕之。欣然自以爲有獨得焉。郁離子謂之曰。昔者魯人不能爲酒。惟中山之人善釀。千日之酒。魯人求其方弗得。有仕于中山者。主酒家。取其糟歸。以魯酒漬之。謂人曰。中山之酒也。魯人飲之。皆以爲中山之酒也。一日酒家之主者來。聞有酒。索而飲之。吐而笑曰。是予之糟液也。今子以佛夸予。可也。吾恐真佛之笑子竊其糟也。

劉文成全集

卷四

十九

論物理

郁離子曰。天地之呼吸。吾於潮汐見之。禍福之素定。吾於夢寐之先兆見之。同聲之相應。吾於琴之弦見之。同氣之相求。吾於鐵與磁石見之。鬼神之變化。吾於雷電見之。陰陽五行之消息。人命繫其吉凶。吾於介鱗之於月見之。祭祀之非虛文。吾於豺獺見之。天樞之中。吾於子午之針見之。巫祝之理。不無吾於吹蠱見之。三辰六氣之變。有占而必驗。吾於人之脈色見之。觀其

觀微知者  
察顯見隱

宇宙之物

無不有精



善在平正  
可故君子  
貴賤理

者以知微察其顯而見隱此格物致知之要道  
也不研其情不索其故梏于耳目而止非知天  
人者矣

慎爵

郁離子謂執政者曰物之所貴於天下者以其  
少有而難得也如使明珠如沙黃金如土則人  
皆得而有之其何以能貴乎故服有章爵有等  
使人不可以妄覬然後王命尊而榮辱行此鼓  
舞天下之奇貨也昔者趙王得于闐之玉以為

此與賞  
說相反可  
謂各極其  
致

劉文成公全集 卷四

二十

爵曰以飲有功者鄙鄆之圍解王跪而執爵進  
酒為魏公子壽公子拜嘉焉故鄙南之役王無  
以為賞乃以其爵飲將士將士飲之皆喜於是  
趙人之得爵飲重於得十乘之祿及其後王遷  
以爵爵嬖人之砥持者於是秦伐趙李牧擊却  
之王取爵以飲將士將士皆不飲而怒故同是  
爵也施之一不當則反好以為惡人知寶其所  
貴而已矣

賞不可妄  
行恩不可  
濫施故人  
若貴慎所  
予

天裂地動

董子曰陰  
猶沉也何  
名何有皆  
并一于陽  
與此互相  
發

或曰傳曰天裂陽不足。地動陰有餘。然乎。郁離子曰。天道幽微。非可億也。然以吾觀之。天裂陽不足。是也。地動陰有餘。未必然也。夫天渾渾然。氣也。地包於其中。氣行不息。地以之奠。今而動焉。豈地之自動乎。觀乎地之動也。蓋象夫震掉顛傷。而不爲跳躍奮舞之狀也。夫既不爲跳躍奮舞。則豈地之自動乎。其必有以使之然矣。然則地之動也。非其自動也。由其所麗者有所不恒。而使之然也。猶舟之在水。其動也由乎水。非陽不足。而非陰有餘也。

羹藿

劉文成公全集

卷四

二十一

鄭子叔逃寇于野。野人羹藿以食之。甘。歸而思焉。采而茹之。弗甘矣。郁離子曰。是豈藿之味異乎。人情而已。故有富而棄其妻。貴而遺其族者。由遇而殊之也。昔楚昭王出奔。而亡其屨。使人求之。以百金。曰。吾不忘其相。從於患難之中也。故論功而未及者。皆不怨。非術也。誠之感也。



大英鍾作  
用盡於此

# 大智

聖人將動  
必有慧氣

此喻人不  
自甚也一  
種痴情全  
入絕倒

郁離子曰人有智而能愚者天下鮮哉夫天下  
鮮不自智之人也而不知我能人亦能也人用  
智而偶獲遂以爲我獨於是乎無所不用及其  
久也雖實以誠行之人亦以爲用智也能無窮  
乎故智而能愚則天下之智莫加焉鬼神之所  
以神於人者以其不常也惟不常故不形不形  
故不可測人作爲不可測者自以爲不可測  
而不知其爲人所測故智不自智而後人莫與  
劉文成公全集 卷四 二十二

## 安期生

安期生得道于之罘之山持赤刀以役虎左右  
指使進退如役小兒東海黃公見而慕之謂其  
神靈之在刀焉竊而佩之行遇虎於路出刀以  
格之弗勝爲虎所食郁離子曰今之若是者衆  
矣蔡人漁于淮得符文之玉自以爲授之命  
乃往入大澤集衆以圖大事事不成而赤其族  
亦此類也

行幣有道

或問於郁離子曰幣之不行而欲通之有道乎

郁離子曰在治本何謂治本曰幣非有用之物

法上則幣行妙

也而能使之流行者法也行法有道本之以德

政輔之以威刑使天下信畏然後無用之物可

使之有用今盜起而不討民不知畏信法不行

矣有用之物且無用矣而況於幣乎如之何其

重禁

劉文成公全集

卷四

二十三

錢幣宜禁

郁離子曰天下之重禁惟不在衣食之數者可

商人主利

也故鑄錢造幣雖民用之所切而飢不可食寒

小民爭食

不可衣必藉主權以行世故其禁雖至死而人

自不宜禁

弗怨知其罪之在已也若鹽則海水也海水天

東南民力

物也煮之則可食不必假主權以行世而私之

均矣真仁

以爲已是與民爭食也故禁愈切而犯者愈盛

著之

曲不在民矣或曰若是則數罟不入洿池斧斤

以時入山林先王之禁亦過與曰先王之禁非

奪其利而私之也將育而蕃之以足民用也其



情異矣。矧百畝之田，無家不受而不飢不寒乎。

七出

或問於郁離子曰：在律婦有七出，聖人之言也。

舍庚足以解始讀此

今薄倖郎

無處借口

足破千古

之疑

曰：是後世薄夫之所云，非聖人意也。夫婦人從夫者也，淫也，妬也，不孝也，多言也，盜也，五者天

下之惡德也。婦而有焉，出之宜也。惡疾之與無

子，豈人之所欲哉？非所欲而得之，其不幸也大

矣。而出之忍矣哉！夫婦人倫之一也。婦以夫爲

天，不矜其不幸而遂棄之，豈天理哉！而以是爲

劉文成公全集

卷四

二十四

典訓是教，不仁以賊人道也。仲尼沒而邪辭作

懼人之不信而駕聖人以逞其說，嗚呼！聖人之

不幸而受誣也久矣哉。

九難

郁離子：冥跡山林，友木石而侶猿狖，茅徑不闢，

草屋蕭然，隨陽公子過焉，坐定，公子作而言曰：

僕不佞，竊聞先生久矣。今幸得覲玉色，趨下風，

僕聞有道之士，不遺芻蕘之言，願有陳焉。先生

肯聽之乎？郁離子曰：唯唯，願奉教。

叔叔子七  
發椰子思  
晉問甚虛  
頭頰

預道交容  
竹合歡聲  
關連紫香  
鳳與妖高  
寶馬銜連  
錢相婦嫁  
龍金屈膝  
可謂極機  
臺聲色之  
盛

芙蓉樓觀  
此樂何極

公子日夏屋耽耽。綠以周垣。廣庭砥平。翼以飛樓。突室留春。清館含秋。高欄榻轍。以暈鸞曾。豐駸沓以雲浮。虹芳檀以承衡。獸蒼珉以負楹。浮柱錯落以星羅。碧瓦流離而水波。天華卉睇而冬敷。秀木修森以夏涼。流景入而成霞。潛籟動以生風。晃兮如閨闔之開。忽兮若筦弦之音於。是乎曼目蛾眉。窈窕成行。曳結烟之翠綃。鳴鏘泉之玉璫。衆樂張華筵。啓肆金尊。澄芳醴。炮羔擊牛烹麇。燁鹿。騰玉珽。臞比目。膾躍湍之魴。炙

劉文成公全集

卷四

二十五

拂雲之鵲。羹月窟之兔。肺。肱。霧谷之豹。胎和以麟。髓之酥。芘以楨。桂之黃。果則碧華之蓮。紫英之梨。霜柑盜密。丹荔凝脂。曼倩之桃。若壺安期之棗。如瓜羶肥。既飮清臙。乃薦踐笙。簫行組練。迅翔鷗。矯輕燕。燗金釭。與綺燭。激粧豔。以過電良宵。欲終娛樂。未足鷄膠。慘以叫晨。留嘉賓以終曲。吾願與先生同之。郁離子曰。夏書曰。酣酒嗜音。峻宇雕牆。有一于此。未或不亡。僕不願也。公子曰。百頃之園。樹以美木。繁華環以曲沼。清



池黑石白沙。黝黝冥冥。岩岩亭亭。密密堂堂。竇  
陰洩陽。木則女貞石楠。合歡欒櫚。桐栢楓樞。椒  
桂杉榆。葉如車輪。實若垂珠。春禽嚶鳴而相求。  
夏蟲鼓腋以呼秋。朝陽發旭以攄虹。夕嵐凝暉  
而欲流。草則鼠姑玫瑰。芳蘭芷衡。菱蔣蒲菰。蘋  
萍浮生。丹苔抱木以垂翹。薜荔綠崖以舒榮。蔚  
披離以琴纒。激迅飈以揚馨。鳥則白鶉黃鶯。翠  
鶻錦鷄。敷羽翰。擗文章。韓韓煌煌。若彤霞之間  
喬雲。魚則赤鯉白鱖。鰕鯽儵鱗。斑鱗紫鱗。吹瀾

劉文成公全集

卷四

二十六

生華。於是乎翠蓋飄。播文鷁。委蛇嘉朋。遠至冠  
佩。追隨。憇芳亭。酌瓊卮。携佳人。泛漣漪。擾鳧鷖。  
發棹謳。釣游鱗。弋潛龜。奏豔歌。賦新詩。邀姮娥。  
千洞房。累日夕。而忘歸。吾願與先生共之。郁離  
子曰。仲尼曰。樂佚遊。樂燕樂。損矣。僕不願也。  
公子曰。五都之市。列肆千區。三川之衢。大車千  
兩。二江之津。舳艫千艘。家僮萬人。分方逐利。西  
極岷隴。河源。康居大宛。出馬渥洼。流玉崑崙。東  
窮日本。扶桑。玄菟樂浪。海岱青徐。三韓扶餘。南

數語作一  
胃下種種  
出奇炫心  
駭目

極其形容  
妙妙

盡百粵七閩。蒙詔徇泯。穿曾交趾。鮫室屨市。北  
陔無間。代恒陰山。北庭卑耳。孤竹萬里。沙漠掇  
天琛。拾坤珍。山藏谷韞。之英蜚潛。動植之精。莫  
不悉致。而畢陳。爰有吉量。驛駉蒼兕。文犀足躡  
電。而追風。角納象以成形。火齊玫瑰。瓊瑤瑯琳  
琪樹琅玕。王母所栽。備五色。含八音。璀璨瓏璵  
睽閃虎睛。微猶旄牛。師類之毛。鬚髮披蓑。以蠶  
以纓。珊瑚海栢。若木非木。若玉非玉。蕭森襟索  
葩。極籜落。其采有施。沉檀羅縠。腦麝之香。郁烈  
劉文成公全集 卷四 二十七

芬芳苾芾。綉蠶螺甲。龍涎腥極。返馨鐘乳。丹沙  
金芽石英。鍊而服之。變爲神仙。水晶玻璃。辟暑  
清塵。琉璃木難。的皪暉光。豆蔻胡椒。革撥丁香。  
殺惡誅臊。易牙所珍。甘蔗木綿。香葛兜羅。柔暖  
輕涼。寒暑攸宜。翡翠鸕鷀。綵羽繡翰。玳瑁之龜。  
蠟質漆章。鼠毛之布。焚之炎炎。振之如霜。丹蝦  
之須。勁若抽虹。煥爛晶瑩。望之欲流。撫之不濡。  
玄象之牙。厥大盈舟。狼虎熊羆。青貂白狐。文猊  
青狸。赤豹之皮。獬獬蜂肆。修毛鬚鬢。嬋嬋翠茸。



至極天下  
之珍此後  
又轉出奇  
觀令人應  
接不暇

專權意氣  
本豪雄奇  
亂裝燕坐  
生風儼然  
權勢相嚇

洵美且溫。馳毳羔絨。細若遊絲。軟若春綿。丹參  
紫芝。地膽天麻。靈藥千名。神農所嘗。起死回生。  
旋陰幹陽。蜀錦戎氈。越紙齊紈。跨海踰山。轉致  
流通。自北自東。自西自南。所至成市。所止成廛。  
於是乎。鏡山出金。煮海收鹽。于插穿崖。聲翻九  
幽。萬竈歆烟。結爲蒼雲。蜃艇蠻舫。出沒風濤。罔  
鯽鱖曳鯉。鯁舉赤鱖。絡氏人。鉤鼈鼈。繒鱗鰕。止  
水母。鑿蝸螻。擒化鯢。繫翔鯨。留鮪麗。鱣牽。鯛呈  
鱸。繫鯉引鯢。掣鰐連鮫。枕丁膠乙。兼取並積。鏃  
劉文成公全集 卷四 二十八

骨皮簾磨鱗刮甲齒牙鋒鏑以函以戟甕鮮桑  
鱸其利什百其重寶則有徑寸之珠方尺之璧  
騰光吐景閃日爍月匣不能闕土不能飭可以  
易旼回祥傾城奪國吾願與先生致之郁離子  
曰傳曰象有齒以焚其身賄也僕不願也  
公子曰九成之堂十畝之庭俯闔闔以當中岌  
重門之崢嶸甃以礪石植以梧桐牖以魚鱗洞  
朗八櫺左右蜂房奕奕翼翼冬暄夏清真馬達  
于陛除鳴騶導以升階高坐華裯尊嚴若神卒

列○貌○貅○吏○排○鴈○行○肅○肅○踰○踰○秩○秩○如○也○聽○欬○傳○  
聲○神○撫○鬼○訶○發○號○施○令○理○訴○決○訟○出○言○而○待○者○  
辟○易○指○顧○而○瞻○者○踟○躑○千○人○離○立○跛○望○顏○色○其○  
喜○也○溫○若○春○日○之○熙○其○怒○也○凜○若○秋○霜○之○飛○雷○  
霆○起○于○頰○舌○而○死○生○判○于○筆○下○吾○願○與○先○生○謀○  
之○郁○離○子○曰○孔○子○曰○富○與○貴○是○人○之○所○欲○也○不○  
以○其○道○得○之○不○處○也○僕○不○願○也○

公○子○曰○欵○段○之○馬○黑○貂○之○裘○囊○無○百○錢○橐○無○贏○  
金○慷○慨○辭○家○踴○躍○遠○游○曳○裾○而○入○公○門○掉○舌○以○

劉文成公全集

卷四

二十九

動○王○侯○一○語○之○合○不○覺○前○席○更○僕○秉○燭○熏○心○酣○  
骨○執○鞭○爲○之○駭○汗○虎○士○爲○之○吐○舌○於○是○出○辭○成○  
法○建○畫○爲○律○條○九○章○以○富○國○發○六○奇○以○制○敵○陽○  
謀○陰○間○神○授○鬼○伏○指○揮○而○白○虹○貫○日○顧○盼○而○長○  
庚○入○月○蓋○樗○里○不○能○測○其○機○孟○賁○不○能○當○其○決○  
也○是○以○一○言○貴○於○千○金○一○諾○重○於○千○鈞○吹○則○猛○  
虎○豎○毛○噓○則○寒○谷○生○春○警○欵○折○五○兵○譚○笑○却○二○  
軍○氣○使○燕○趙○之○豪○威○讐○齊○楚○之○君○吾○願○與○先○生○  
論○之○郁○離○子○曰○孔○子○曰○暴○虎○馮○河○死○而○無○悔○者○

禮概雄談  
四座是  
子肘後  
印時光



吾不與也。僕不願也。

公子曰：戎卒十萬，虎賁三千，犀革之車，駕以駃騠，服以駒駘。造父御戎，烏獲爲右，士如熊羆，馬

如騰龍，豁鬪魚然。殷谷旬丘，掛以重鎧，被以鮫

函，炫耀冬冰，燁煜晨星。純鉤太阿，縵理龜鱗，雄

戟揚虹，去矛掣蛇，舒光發揮，上纏斗杓，乃有角

端之弓，魚牙之矢，控弦而滿，月在手，覆瓿而蹲

甲，吞羽，黃間谿子，時力距黍，九牛引挽，發若雷

吼。於是乎白羽如茶，赤羽如葑，大旆鏗旗，植以

劉文成公全集

卷四

二十

暗鳴則山岳崩頽此

玄戈建九旂之霓，旂蔚雲旋而森迴，山陵爲之

低昂，太陽爲之寢光，乃布天衡，乃列地衝，風雲

鳥蛇龍虎，翕張屹兮如山，儼兮若城，渾渾沌沌

莫窺其形，吾願與先生將之。郁離子曰：孔子曰

俎豆之事，則嘗聞之；軍旅之事，未之學也。僕不願也。

公子曰：五方之域，有真人焉，廣大神通，浩浩無

涯，其力可以幹造化，回天地，其功可以拯墊溺，

拔罪苦，起死扶生，剖頑燭冥，窈窈悄悄，蕩掃六

苦海無邊  
此大業  
度群迷

淫寂寂。默。滌除百惑。如翦草萊。不遺一荻。如龍用壯。莫我能當。不震不搖。障翳自消。不悚不難。百惟自散。如鏡去塵。其光粲新。如蓮出水。淨無泥滓。以能不滅。不生長存。至精不形。不體無往。不在放之。無外收之。無內幽靜。恬漠永享。至樂。吾願與先生求之。郁離子曰。孔子曰。攻乎異端。斯害也已。僕不願也。

公子曰。太極渾渾。分爲乾坤。乾坤翕闔。結爲日月。日月代明。播爲五精。二五媾眞。形而爲人。玄

劉文成公全集 卷四

黃兩間。獨爲物靈。得天全也。是故軒轅黃帝。訪于廣成子。而受訣焉。其訣曰。穆清溲兮。沕杳冥。

洞晃朗兮。觀吾庭。掃氛埃兮。驅蟲蛇。部署衆神。

兮。集予家。時風雨兮。若晦冥。疏不壅兮。待其生。

調其行兮。和厥止。保其受兮。爲孝子。收六區兮。

歸一握。仁靈芽兮。直乃核。乘應龍兮。入寥郭。吾

願與先生追之。郁離子曰。語曰。死生有命。僕不

願也。

公子曰。願聞先生之志。郁離子愀然曰。公子三

入心清淨  
天地皆隨



帝王卿相  
作收何等  
力量

王既沒。孔子道塞。九流楊墨。百家並出。淫辭橫說。從橫反覆。慘害陰毒。恫疑恐惑。變幻白黑。如焱之發。可使晦日。如水之激。可使漂石。縈紆迴通。以蠱以賊。此其章章者也。其矯者則謂天地爲遽廬。黔首爲蟲蛆。文章禮樂。皆不足爲。以耀以夸。使人染之如膏。吞之如鉤。虛浮譎詭。誑生罔死。舍形索影。慢棄倫理。此皆迷生之曲蹊。蠹世之巨蝎也。方今成弧絕弦。枉矢交流。旬始攙槍。降鬼流精。爲貍爲豺。爲蛟爲蛇。犬失其主。化劉文成公全集

卷四

三十二

爲封狼奮爪。張牙飲血。茹肉淫淫。漚漚沉膏。臙窮淵積骸。連太陵。無人以救之。天道幾乎熄矣。而欲以富貴爲樂。娛遊爲適。不亦悲乎。僕願與公子講堯禹之道。論湯武之事。憲伊呂師周召。稽考先王之典。商度救時之政。明法度。肄禮樂。以待王者之興。若夫旁途捷岐。狙詐詭隨。鳴貪鼓愚。傲倖一時者。皆不願也。於是公子赧然。頰頰發赤。目眊舌彊。再拜受教。曰鄙人不學。乃今日始聞先生之言。如垢得滌。願爲弟子。幸甚至

哉服膺無斁。集卷五

景陵後學鍾惺評輯

仁和後學燕如鳳校訂

序

送高生序

高生以敬學科舉業將從師于闕過予請言以相其行生年甫弱冠去鄉里違家室以求師于

千里之外其志可謂新

既能之矣而何待

劉文成公全集

卷四

七十三

為封狼

倉爪張牙

窮淵積骸連太陵無

而欲以富貴為榮候極為過不亦悲乎僕願與

公子講堯禹之道論湯武之事憲伊呂師周召

稽考先王之典商度救時之政明法度肄禮樂

以待王者之興若夫旁途捷岐狙詐詭隨鳴食

鼓愚傲倖一時者皆不願也於是公子赧然頰

頰發赤目眦舌彊再拜受教曰鄙人不學乃今

遊嫌亂無繇之言如垢得滌願為弟子幸甚不

帝王卿

其說  
又其說  
田文



劉文成公全集卷五

景陵後學鍾惺評輯

序重刊破邪堂燕南人也國朝典林日燕南

高生以敬學科舉業將從師于閩過子請言以

相其行生年甫弱冠去鄉里違家室以求師于

千里之外其志可謂勤矣韓子曰業精于勤生

旣能之矣尚何待予言以相之哉抑子之所以

勉生者又有出于此之外也聖人作經以明道

非逞其文辭之美也非所以夸耀于後世也學

者誦其言求其義必有以見于行問之無不知

也言之無不通也驗之於事則偁焉而背馳揭

揭焉不周於宜則雖有班馬楊韓之文其於世

之輕重何如耶生燕南人也國朝典科目燕南

人屢嘗爲舉首矣安知異日不在生乎故用是

以爲之規也

景刻於學

劉文成公全集卷五

卷五

一

因文課行  
是真實義  
又更悠揚  
有致

雙清詩序卷五

雙清軒者。東山壽聖寺。物外上人之所營也。上人名崇超。物外其號也。寺在杭州城東四十里。其會曰湯鎮。軒所儲無他物。有水一泓。竹一林。上人日與之爲徒。故遂以名其軒也。夫天下之清者莫如水。有節而貞者莫如竹。伯夷以節立行。而其清至于聖。則物之清又莫竹若也。夫人與物情性之相得者。各從其類。物之所處不同。則清者有時而污。非其情之本然也。今之人達而用于世。則役於事。窮則役於衣食。無憂者莫

劉文成公全集

卷五

二

如僧。故能遂其情。而物之託焉者。亦得以全其性也。然則上人雖欲自外於物。而物不能外之也。有詩一卷。上人作而同聲氣者和之也。書而揭于軒者。故翰林學士吳興趙公爲之序者。括蒼劉基也。

土人郭子明詩集序

郭君文德字子明。廣平人也。讀書好爲詩。有交於前。無不形之於詩。其憂愁抑鬱。放曠憤發。歡愉遊佚。凡氣有所不平者。於詩乎平之。是故飲



胸中落  
不可一世

應上不至  
鎖最甚

食非詩不甘。坐卧非詩不安。應人接物。非詩不能。攄其終懷。至於顛沛造次。夢寐想像。莫不有詩。思天下有一事一物。不入吾詩。若已有所歎焉。於是北眺燕代。西瞻岷峨。南浮江湘。東覽齊岱。困窮迫阨。寒暑枯濕。舉不足以搖其中。而惟得乎詩。可以解憂。其爲詩也。不尚險澀。不求竒巧。惟心所適。因言成章。而其自得之妙。則有人不能知而已。獨知之者。蓋孔子所謂好而樂之者歟。余嘗歎世之人。汲汲以趨祿利。有所好樂。則決性命以赴之。朝奔夕馳。所在皆是。今子明乃違衆人之所務。而獨好我之所好。得之不足。以療饑寒。而失之無傷於其身。彼之不顧而我則爲之。蓋有所感激。而自異於人。以爲高也。是固非俗子所能識也。

送別燈和尚還鄉序

并詩

有浮屠氏踵門而求。見予方以事出。不得見。明日復來。問其鄉。則世爲括人。與予爲同州。故其心尤惓惓焉。將歸。求言以贈其行。夫浮屠以離

善道人情

余嘗言佛以濟世窮此更窮言之

一片冰心在玉壺

世絕俗為教。父母兄弟且不得為其親也。而獨

惓惓於鄉人焉。何哉。今之人同里巷以居。而有

不相接者。及其遇于他方。不啻如見骨肉。所適

愈遠。則其情愈親。是乃人心之所同。非待乎矯

揉勉強為也。浮屠氏割慈忍愛。以為高。宜殊乎

人。而師獨不然。是蓋有見於道者也。則其為浮

屠也。豈果惑於其術之說。而為之哉。世治。不古

為民者。日困農疲于耕。而終歲不飽。其食工疲

于作。而終身不得休息。士不諧於時。而纍纍無

劉文成公全集入卷五

四

所。即追呼徭役之可憐。誅求徵斂之無厭。皆足

以累其身。愁其心。求全軀而苟安舍。是其何之

乎。若師者。其迹於是。而心則有所寓乎。余既重

其敏慧。又嘉其敦鄉人之誼。故為之言。且繼以

詩。師名復祖。別燈其號也。

閒居寡塵務。遂與嬾惰親。扣門報有客。喜見同

里人。相知豈必素。鄉語情自真。北風吹大江。寒

水波龍鱗。話別一何速。令我生苦辛。故山到何

時。溪梅照新春。親朋或見問。為道長清貧。



贈奕棋相子先序

禮樂射御書數之藝。君子游焉。博其理也。其不  
止比科者。志弗尚。吾獨於碁乎。有取。蓋棋未伎  
也。而有用兵之道。可以通人之智慧。緩急存亡。  
進退取舍。有乘機應變攻守之法。避實擊虛。投  
閒抵隙。兼弱取亂之道。無所不備。吾嘗讀孫子  
十三篇。而知古人制敵之術。意奕棋必出於兵  
家。教戰者所製。非其他娛目悅耳者比。其所以  
不得附於六藝者。以其爲兵也。夫兵君子慎言。

劉文成公全集

卷五

五

之。而可以教乎哉。宜其在六者之外也。自天下  
爲戰國。而司馬穰苴。孫武。吳起之徒。公然以兵  
爲教。於是學戰陣者。不必寓于物。以求之。而碁  
遂爲娛樂之具。而精其數者。亦日用而不知耳。  
陶士衡以周物之智。不違纖芥。而不喜人爲碁。  
當時僚佐。實不知其可以達於兵。而徒爲費時  
亂日。使有知及此者。以告士衡。士衡當教人爲  
之。不必投其具於江中矣。儒者之道。格物以致  
其知。貴能推其類也。故觀水而知學。觀擣田而

警字南星  
馳情北疊  
分明霧後  
星列觀此  
知謝安略  
暨悉有涉  
意

知○治○國○善○推○之○而○已○矣○是○故○無○用○之○伎○也○旁○通○  
之○可○以○措○大○事○吾○於○此○而○知○智○者○之○不○死○也○相○  
生○子○先○兄○弟○皆○精○于○碁○人○無○與○敵○焉○吾○每○惜○其○  
用○心○之○專○而○懼○其○無○益○於○用○也○故○原○夫○制○作○之○  
本○意○以○語○之○方○今○寇○盜○竊○發○武○夫○環○視○如○林○無○  
或○能○出○一○謀○發○一○慮○生○能○碁○之○策○乎○使○不○曠○日○  
糜○粟○以○憂○農○民○不○亦○偉○哉○

海寧州賈希賢義塾詩序

人有積貨財而不能散者君子謂之愚知散之

劉文成公全集

卷五

六

而○不○要○諸○道○其○爲○愚○一○也○故○有○捐○貲○產○以○廣○異○  
端○而○徼○非○望○之○福○者○非○徒○無○益○且○受○誑○而○甘○心○  
焉○凡○若○此○者○蓋○不○可○一○二○數○也○若○海○寧○賈○希○賢○  
者○非○卓○然○有○異○於○人○乎○賈○氏○爲○海○寧○大○家○而○希○  
賢○益○厚○念○邑○之○子○弟○多○不○知○學○或○貧○不○能○自○致○  
師○以○學○乃○構○宇○買○田○招○名○儒○以○爲○師○俾○鄉○里○之○  
俊○秀○與○閭○巷○之○童○兒○莫○不○來○學○其○食○飲○器○用○咸○  
取○給○於○賈○氏○嗚○呼○可○謂○積○而○能○散○散○而○得○其○道○  
者○矣○今○天○下○學○校○責○在○守○令○徃○徃○不○暇○顧○而○視○

賢應上後

更拓出一

境波瀾橫

注



爲文具至考滿不能備六事而阻其仕進者不少。則今之官海寧者一何幸耶。得賈氏以爲其民州之子弟得賈氏而皆振起于學。彼爲守令者從而收其功。則不惟有功于其州之人。而爲之司牧者亦有賴焉。其爲利豈不博哉。使人人效之而不見三代之化。吾不信也。

沙班子中興義塾詩序

至正十一年春三月十有五日。沙班子中來言曰。吾居杭有年矣。杭於江南視他郡爲大。民多而儒少。豈教育之未至乎。吾喜得隙地于慶遠。安撫沙公願築室以爲義學。招子弟以教。而土

劉文成八全集

卷五

七

木樹築之資無所出。可若何。余聞而嘆曰。方今天下郡縣無不有學。名山古蹟。又有書院。咸設學官。杭之城郡縣學及書院凡四處。生徒蟻集。省憲臨焉。又何俟於子之室乎。子曰。噫。是子不知余也。子以爲予之學猶官之學與。非也。予請爲子言學。夫學也者。學爲聖人之道也。學成而以措諸用。故師行而弟子法之。是故搜羅天

爲章句小  
儒下一  
此先生學  
問有源本  
處

人。究極古今。旁通物情。達其智也。齊明盛服。非  
禮勿動。篤其敬也。見惡則違。見善則隨。敦其仁。  
也。存心養性。樂道尊德。致其大也。禮儀三百。威  
儀三千。盡其細也。忠信謹慤。固其內也。貌言容  
止。閑其外也。詩書六藝。昭其文也。剛毅木訥。培  
其質也。親賢友仁。以輔德也。幼幼長長。順天則  
也。夫學智以周之敬。以一之仁。以行之立乎大。  
不遺乎細。嚴乎內。不弛乎外。文以藻之。質以韜  
之。於是乎德成而不失。其則今之學主以文墨。

劉文成公全集

卷五

八

爲教。弟子上者華而鮮實。下者習字畫以資刀  
筆。官司應酬廩粟之外。無他用心。其亦異乎子  
之所欲爲者乎。夏之校殷之序。周之庠。吾不得  
而見之矣。而有志焉。道之將行也。夫吾室之成。  
未可知道之不行矣。夫吾固將以盡吾心。終吾  
年。縱不能行于今。庶其或垂于後。予聞而壯之。  
書其言以爲序。予聞湖浙之間。多富而好禮者。  
有與子中同志。尚能爲子中成之。

送月忽難明德江浙府總管謝病去官序



余昔宦游高安。高安與臨江鄰。臨江故多虎狼之卒。凡居城郭者非素良家。咸執鞭以爲業。根據蔓附。累數百千輩。以鷹犬於府縣。民有忤其一。必中以竒禍。官斥弗任。則羣構而排去之。獄訟興滅。一自其喜怒。有訴于官。非其徒爲之所。雖直必曲。獲其助者反是。百姓側足畏避。號曰笳鼓。人莫解其意。或曰謂其部黨衆而心力齊也。余每聞而切齒焉。無能如之何也。會朝議以蒙古色目氏參佐簿書曹官。於是江浙行省掾史月忽難公。獲選爲臨江路經歷。下車訪民瘼。按宿獄。凡壅滯不決者。皆笳鼓之徒爲之。督所屬逮捕。窮其姦狀。而上下夾爲覆。公執正議。愈奮。曰。吾誓不與鼠子俱立於此。衆不能沮。於是事露者伏其辜。餘黨悉歛迹退散。農民入城市。相謂曰。微經歷。我與爾敢來此乎。予聞甚喜。且慶朝廷之用得其人也。後數歲。乃識公于京師。公時奉使自湖廣還。民譽獨籍籍。予又爲大喜。至正己丑。公爲江浙財賦副總管。因得相與。

悲歌轉曉  
擊碎唾壺

爲文字交。公素有足疾。辛卯六月以病去。薦紳之士咸祖送北門外。酒酣有起而歌者曰。湛盧可以斷犀。而以之割雞。隋珠可以照車。而以之彈烏。吁嗟兮。吾安所如。客有和之曰。松栢在山。兮。匠石求之。夜光在璞。兮。卞和識之物。固有遇兮。遇當有時。因相顧大笑。賦詩爲別。而劉基序焉。

馮章秀才觀海集序

桐江章正則好學能詩文。名其集曰觀海。予覽劉文成公全集

卷五

十

三五

而大其志。夫志道之正也。立乎其大而小者不遺焉。斯得之矣。是故天下惟海爲大。求其大而不於海。非知大者也。故錡釜之型。不鑄鼎彝。菴菽之實。不生松栢。無他先居乎其小也。是故知海。斯知學矣。今夫海之爲物。浮天地。納日月。汗漫八極。人見其大也。曷致哉。鯨龍鰕蟹。無不有也。江河溝瀆。無不收也。動之不知其所爲。流之不知其所歸。變幻倏忽。杳冥莫測。觀海者。知海之所以大乎。則其造也不可量矣。予旣嘉章子

探子之論



之志故爲序以勉之

送海寧張知州滿任去官序

直作述語  
起後以贊  
嘆收文情  
如絳雲之  
卷車旁

至正辛卯夏五月劉顯仁自海寧來。致其友賈希賢之言曰。海寧瀕海爲斥鹵地。民勤而貧。吏肆而囂。積有日矣。自我知州張侯來。鄉不見吏。卒易其業。田疇屢豐。旅葆不札。庭不宿訟。囚無留獄。租賦時集。木索不用。譁訐之聲。化爲弦誦。大民儒儒。小民愉愉。朝出暮歸。歲歲之間。洋洋乎里閭。不知時節之去。

劉文成公全集

卷五

十一

欲留之不可得也。請爲言以餞之。予聞而嘆曰。美哉張侯。今之爲人牧。已代而使人思之者鮮矣。哉。居于位則畏其威。且滿則相視如途人。甚則排而去之。惟恐其弗亟也。間有欲之者。非素所睨愛。則爲卒若吏於民。無與焉。夫設官所以爲民也。官爲父母。民爲子。爲父母而使其子不我愛。亦獨何哉。故善爲官者。猶農夫之善爲田也。嘉穀以爲親。稂莠以爲讎。是故獲乎吏卒者。必不獲乎民。獲乎強暴者。必不獲乎善人。今張

句一轉  
六情極

侯能使民惜其去。而希賢又爲善士。興義學以淑鄉里。其所慕尤不苟。仲尼曰。不如鄉人之善者。好之。張侯有焉。予雅知劉君其言必信。而有徵也。是爲序。

槐陰讀書圖序

槐陰讀書圖者。嘉興吳仲圭所爲。姑蘇王行道作也。王氏之先。有植三槐于庭。而期其後必爲三公者。後果如其言。爲宋賢相。今仲圭之作此也。其將勗行道以力學。而履前人之發也乎。夫

劉文成公全集

卷五

十二

盛德大業。有志者成之。聖賢與我皆人也。企斯及之矣。故與人交。必常有所勗者。朋友之盛心也。觀聽動息。凡有所接。必使可以有所警者。進修之善道也。然則斯圖豈玩好之云乎。雖然。吾願益有以勗之。夫王氏之先。所以致位宰相者。抑由乎槐耶。非與。植柏于大別。而冀似禹求南國之棠。而憇焉。曰。吾以繼召伯也。可乎哉。晉公之行事。載在史官。若三槐者。蘇子所謂德之符也。思其人。象其德。今之槐。猶昔之槐也。不然。彼

進以修德  
且其割切  
而走筆更  
跌蕩風流



園之檀其下維穀而已矣。吾子勗之使後人之慕此圖如今人之慕三槐則偉矣。於是乎言。

### 送海寧尹知州之官序

國家憐黔首之未寧。乃大選守令以熙庶績。非名實素聞於上下者弗任。且以六事考覈其殿最。責至重也。東平尹希善。由餘杭主簿。江浙行省掾史。遂昌宣城縣尹。溫台海道千戶。皆能其職。故得舉爲海寧知州。將之官。相與交游者咸爲詩以餞之。而屬其序於予。予惟今之人類多

### 劉文成公全集卷五

十三

古道昭顯  
色

喜諛。心竊非之。夫求言於人而得諛。不如勿求。與人言而進以諛。是不以賢人君子待其人。不恭莫大焉。故願獻其規。而不以頌。今天下又安而盜賊姦宄竊發不禁。何哉。爲守令者非其人耳。天子有民。不能徧治。故托之守令。故守令謂之民牧。夫牧也者。受人之牛羊而牧之。必爲之

爲民牧者  
各官書之

題本

豐其水草。適其寢訛。去其癩蠹。驅其豺狼。然後物生遂而牧之道得矣。是故悍卒猾吏。民虎狼也。苛徭橫斂。民癩蠹也。虎狼不屏。癩蠹日生。寢

焉然仁者  
之言

訛失時水草乏絕則亦日就死亡而已矣惡在  
其爲牧也夫好安樂而惡憂患人情同之盜賊  
之刑自死而族人豈願爲之哉必有大不得已  
然後寧蹈不測以苟且夕之命誠能順而撫之  
吾未見其弗寧也海寧爲瀕海邑民勞而貧久  
矣孟子曰饑者易爲食渴者易爲飲于今之時  
抑亦可以謂之易而非難矣行矣尹侯國家之  
寄朋友之祝百姓之望皆於是乎在他日惠政  
之碑又當爲君書也

劉文成公全集

卷五

十四

送柯上人遠游詩序

古之人有違其家而游四方者何哉孔孟志於  
道儀秦志於利司馬子長志於文其所志不同  
而欲行其志也則同墨子之道異乎聖人而走  
不黔突無亦欲以其所得乎師者傳之於人與  
是皆有所爲而爲也浮屠柯上人者予之同邑  
人也客游于淨慈淨慈之主者舉以任其寺之  
事善焉於是羣寺之聞上人名者競舉以爲其  
住持上其名于宣政院會他僧有以賄求住持



者事聞院官院官怒併其餘悉罷之上人遂拂  
衣游金陵且泝大江觀衡湘陵巴漢沔秦隴北  
觀天都至于五臺畧恒碣而歸將行過余求言  
焉夫上人方外人也固不以利役其身而爲文  
又非所嗜好抑將學孔孟與則上人墨氏徒也  
今浮屠之道大行于世金畢焜耀彌天下貝葉  
之書家畜而人誦之不必走四方以施教則又  
異乎墨子者矣予又何言以贈之哉予蓋因是  
而重有所感矣今之爲士者欲游四方行李之  
往來豐則患於盜賊約則患於資糧之乏裘馬  
之敝當何所取給哉獨浮屠以其徒爲一體所  
至則如歸焉窮山際海何往而不可也然則上  
人之游維其時矣予學孔氏者也不能作浮屠  
語故以是爲贈云

竹川上人集韻序

昔邵子以音聲窮天地事物之變莫能逃其情  
焉邵子沒雖有書不得其傳故有能言而莫精  
其義者則於聲之輕重清濁且不能辨尚何望

其造前人之微妙也哉。余初來杭時識竹川上人于祥符戒壇寺。見其爲歌詩清越有理致。遂相與往來。因語及聲音之學。而出其所爲書。則集凡天下之音聲。比其開發收閉之類。而各使相從。凡有聲而無字者咸切而註之。審音以知字。因毋以識字。如指其掌也。予問之曰。師其精于邵子之術乎。則笑而不應。余嘗思浮屠氏離世絕俗。而自外乎人羣。以爲高也。近世之業之者異焉。以浮屠居其身。而其營營汲汲。每生死利欲。殆有甚於俗之人。蓋舉天下皆若是矣。今上人爲浮屠而志於儒。不泯於流俗。而著書以爲樂。年已老而愈不倦。是豈可以常人目之哉。自古有避世之士。非一途矣。晨門荷蕢。偶耕賣藥。亦各隨其所處。以求其志。若上人者。其避世之徒歟。其書之蘊。予不能知。而其人則予深知之矣。是爲序。

術有可以寓道者其醫乎。夫濟人利物。無位者



保赤子解  
極新快

難字相照  
施

始

不能焉。惟醫以救死扶生爲功。苟志於斯。使惻隱之心恒存而不死。豈非爲仁之機括耶。故術

之近道者。莫如醫。醫之爲功。昭晰不昧。故於術

爲難。至于嬰兒之醫。則難乎。又難矣。是故古人

語治天下。曰。如保赤子。夫赤子無知。疾病痛痒

饑飽寒煖。一聽於人。而不能告。死生存亡。無所

歸咎。天下之難保者。孰有甚于赤子哉。故又曰。

心誠求之。雖不中不遠矣。言不可以鹵莽虛僞

爲也。嗚呼。治天下者。果能存是心乎。吾不得而

劉文成公全集

卷五

十七

三十一

知也。得見善醫者。亦可以自慰矣。武林忻生儒

者也。而工爲醫。以全嬰名其堂。先難也。夫以儒

爲醫。固當與常醫殊。他日達而用于時。則又舉

其爲醫之心。而措之。豈曰小補云乎哉。

鄭士亨東游集序

予始與豫章鄭士亨遇于杭。察其人。玩其文。遂

與爲忘年交。日相過。談文章。劇晝夜。如不及有

所得。則各相自慶。懣呼酒共飲。至醉。近世之爲

文。非達官貴人及善諛。不諧於時。士亨不能諛。

窮途投歷  
疑信相參  
如是如是

丈夫應會  
有知已懸  
染極佳

又不仕故不敢以文示于人而自以爲賢於博  
奕書而藏之或獲傳於後世則亦可以懲創感  
發不爲無益而不悖乎古聖賢之意雖不望其  
必傳而亦未嘗不欲其傳也其年冬十月有牛  
諒者見鄭子之文大喜率其友聞正集而刻之  
于梓求予爲序予甚显之夫縣黎之處璞中雖  
不自售而不能閤其環謂卞和之不恒有可也  
而謂世之無卞和也可乎哉余嘗謂鄭子之文  
獨予識之而不意復有二子彼二子者好爲文  
則不取諸時人之所趨而獨慕於居下位之鄭  
子何耶予旣喜鄭子之文獲傳於世而又喜有  
二子能識世人之所不識而自拔于流俗以爲  
之傳也於是乎序

劉文成公全集

卷五

十八

三

照玄上人詩集序

予初來杭時求士於鄭希道先生先生爲余言  
照玄上人之爲詩雄俊峭拔近世乏以能詩名  
者莫之先也余素知鄭君善鑒而言不過心常  
懷之及訪于杭人無能言上人之能詩者心竊



多世感時  
四字是一  
篇骨下歷  
言古今異  
尚見上人  
宜乎不以  
詩聞也

說出千古  
通弊令人  
欲歌欲泣

二而題之  
賞判

惟之及余徙居白塔之下而上人乃住持萬松  
嶺之壽寧寺於是始得徧觀其所爲詩蓋浩如  
奔濤森如武庫峭如蒼松之棲懸崖凜乎其不  
可攀也而憂世感時之情則每見于言外嗚呼  
是宜不以詩聞于杭之人矣夫詩何爲而作哉  
情發于中而形于言國風二雅列于六經美刺  
風戒莫不有裨于世教是故先王以之驗風俗  
察治忽以達窮而在下者之情詞章云乎哉後  
世太師職廢於是夸毗戚施之徒悉以詩將其

劉文成公全集

卷五

十九

之獄興焉然後風雅之道掃地而無遺矣今天  
下不聞有禁言之律而目見耳聞之習未變故  
爲詩者莫不以哦風月弄花鳥爲能事取則於  
達官貴人而不師古定輕重於衆人而不辨其  
爲玉爲石昏昏愾愾此倡彼和更相朋附轉相  
詆訾而詩之道無有能知者矣然則上人之不  
以詩稱於今之人不亦宜哉嗚呼有伯樂而後  
識馬有匠石而後識梧櫝自古以及于今伯樂

幾人。匠石。幾人。耶。抱奇材。而不遇。以泯死者。不少矣。子既重上人之詩。而又悲夫人之不知鄭先生之爲伯樂。匠石也。故爲序其端焉。

送熊文彥歸江西序

傳曰。君子以友輔仁。天下之大倫五。友其一也。是故聖人論友。必備道。其損益之故。友之爲道。豈易言哉。近世學者。率不好聞已過。未有善而欲人揚。見勝已。則諱。見不若已。則肆。藻于外。不求于中。詆異而黨同。附勢而傳聲。靡靡揚揚。柔

劉文成公全集

卷五

二十

柔如也。而與之友。能無損乎。故論友之益者。曰。直曰諒。而又曰多聞焉。夫直矣諒矣。而所聞不多。則箴規獎勸。未必盡合乎古而適于今。吾未見其能益也。嗚呼。友之爲道。豈易言哉。予居杭三年。而得江西鄭士亨。無何。又因鄭子而得熊文彥焉。觀其人。理而溫。又亮以莊。恢乎其有容。且年方壯。氣方銳。學業方日新。識見方廣。如泉之始出。鴻之始發。勾萌之方達也。因命曰交相爲助。於是方自慶。其各有所益也。比歲暮。予歸



可作進學  
儼

不言別而  
倏依之情  
自見

漸東而二子亦相率歸于豫章。迺命酒以別。而  
爲之言曰。古人之爲學也。未嘗自謂已至。仲尼  
大聖也。曰。假我數年。卒以學易。衛武公大賢也。  
九十猶陳抑戒。而况於吾儕也乎。歲月如流。時  
不再得。耨之不勤。其實不粟。築之不多。其基不  
鞏。詩不云乎。婉兮娵兮。總角卯兮。未幾見兮。突  
而弁兮。幸相逢于未耄。而學業俱若是焉。朋友  
之心。遂矣。至于東門之章。游子之吟。則不必爲  
君歌也。

劉文成公全集

卷五

二十一

悅茂堂詩序

并詩

悅茂堂者。會稽旌教寺學庭上人之所居室也。  
上人性好菊。故種菊環其居。取菊譜之語。名之。  
曰悅茂。或曰。謂其以菊之茂而爲悅也。或曰。非  
也。悅茂在菊。不在人。上人將於是乎觀物焉。豈  
惟菊哉。凡物悅則茂。得其性也不悅則不茂。不  
得其性也。故悅者茂之藏。茂者悅之著。譬之於  
人。憂愁結于心。而病生焉。及其著也。髮焦而齒  
黃色。黯而形枯。其不茂也。可知矣。故輩翟天下

惟菊不在  
人一語  
動悅茂二  
字可謂絕  
境快論

猶理如老  
善勸獄

應止人將  
于是觀物  
句

之文禽也。朱冠而彩翰，章章焉。及其繫于籠中，則慘然而不怡，泯泯然如死灰，非涅而昏之也，不得其性焉耳。是故人不得其性，則痛。鳥獸不得其性，則瘠。草木不得其性，則萎。以枯故，茂物有道，悅之而已矣。悅之有道，使之得其性而已矣。敢問使之得其性，有道乎？曰：有。可得聞乎？曰：上人之藝菊也，其種也以時，其溉也有節，其愛之也如慈母之於子也。燥則滋之，淤則清之，瘠則肥之，抗則培之，歌則扶之，翳則疏之，曠則陰之。劉文成公全集卷五 二十二

之。誅其草茅，戮其螻蛄，驅其雀鼠，蛛絲蟻壤，無所侵也。於是乎春而萌，夏而葉，秋而華，濯濯蓁蓁，蕤蕤英英，見其生而榮，而不知其所以生，如斯而已耳。或以語於子，子曰：有是哉，是道也。后稷之所以教民稼也，上人其果有見於此耶？而獨於此物者，何耶？嗚呼！使世之爲人牧者，懷其民如上人之懷其菊也，天下其永安哉！因爲之詩曰：然而不計，然則然哉。天其其也。

治圃如治國，養卉如養民。義農契此理，立法詔



窮瘡剝肉  
宛然在目  
對之凄然

後人五帝暨三王。繼世稱至仁。聚欲去其惡。不  
使傷和淳。所以覆載間。物物熙陽春。動植蜚走  
輦。生長咸及辰。周轅逝東邁。此意久沉淪。誅求  
與剝削。浩蕩無涯津。高堂一笑粲。白屋千眉顰。  
誰見田里間。悲啼雜吟呻。本根不自固。枝葉何  
由伸。感來為爾歌。哀音入蒼旻。安得觀風者。達  
之于紫宸。

送張山長序

稽山書院山長張君用中受代將歸。友生具酒

劉文成公全集

卷五

二十三

一

前以崧高  
烝民起後  
以位多德  
業終中以  
穆如肆好  
感動其衷  
德之思不  
越二詩而  
文情極盡  
曲折之致

看祖送越西門外。酒半有執爵而言曰。行者必  
以驢。古之道也。故老子曰。富貴者送人以財。仁  
者送人以言。是故詩有崧高烝民。繼繼激切情  
意。懇至是。蓋溫如春陽。馥如蘭芷。而重於南金  
夜光也。遺贈也。張君以茂才舉為文學官。居其  
職三年。教行而道尊。人無間言。今以代去。而所  
與游者。又莫非文學士。而無言以送之。庸非缺  
乎。眾應曰。諾。於是命楮筆。各為歌詩。俾余序焉。  
余觀詩人之有作也。大抵主于風諭。蓋欲使聞

諸君之詩  
一句轉長  
醒

者有所感動而以興其懿德非徒爲誦美也故  
崇獎之言冀其有所勸而加勉示事之告願其  
有所做而加詳也然後言非空言而言之者爲  
直爲諒爲輔仁爲交相助而有益而聞譽達于  
天下而言與人相爲不朽不亦偉哉今諸君之  
詩則皆旣肆好矣復何以尚之哉方今教學之  
官爲職甚卑而其出身爲甚正非他岐比也由  
是而躋大官位宰輔者非一人矣張君年方壯  
氣方盛學方進而業方隆也梢雲之木起於勾  
芒冲天之翰發于遵渚由是而之焉仲山甫申  
伯之地位不難造矣人之言曰誰謂華高企其  
齊而他日仲山甫申伯之德業吾於張君深有  
望焉

劉文成公全集入卷五

二十四

牡丹會詩序

甲午之春予避地會稽始識祝茂卿于吳君以  
時之所三月旣暮茂卿之牡丹大開因得與寓  
官郡士往觀焉主人崇酒肴登客而侑之旣洽  
主人奉花以請曰茲花之植于某有年矣雖甌



賞日至而未嘗有闔坐皆文章大夫士如今日之集者。蓋各為歌詩以為他日之雅談乎。客曰唯唯。乃取唐人羅鄴詩二句。十四字為韻。命探九信所得為詩。不限以體制。詩成屬余序。予讓弗獲。乃為之序曰。詩不云乎。豈弟君子。和樂且湛。夫既曰君子。而又謂之豈弟。則其為和也不流。而為樂也不淫。故湛而無害於德。此詩人之所以贊而美之也。予嘗見世俗之為宴集。大率以聲色為盛禮。故女樂不具。則主客莫不黯然而無驪。及夫觴酌既繁。性情交蕩。男女混雜。詭浪褻侮。百不一顧。有向隅而不獲與羣。則憤憤然見于色。形于辭。故始之以笑傲。而終之以鬪爭。以為有人之心者。無不知惡而絕之也。而世方以是為能放曠豁達。以盡主客之情。然則與禽獸奚異哉。若今日之會。則不然矣。其色則草木之秀。其聲則風雅之餘。其人則邦家之彥也。是故揖遜酬酢。所以盡朋友之義。凝志澄神。所以杜縱恣之門。抑揚歌詠。所以攄幽深之抱。懽

劉文成公全集 卷五

二十五

竹樓記云  
妓女舞歌  
非騷人之  
事吾所不  
取命意正

不有  
何異  
晚未  
二與  
言也

情既暢藻思逸發莫不郁如樹蘭鏘如金石皎  
如月露躍如蛟龍之出溟滓捷如拔堅城而禽  
大酋以獻馘也曾子曰君子以文會友今日之  
舉其庶幾乎雖然神著之莖靈龜蔭之以之藉  
豕則茨藪之不如矣蒼莨之實鳳皇食之以之  
豢牛則菅稗之不若矣人固有異好惡其相出  
豈不縣絕也哉易曰方以類聚物以羣分吾於  
是乎見之故既爲之詩復冠以序焉

送道士張玄中歸桐柏觀詩序

并詩

劉文成公全集

卷五

二十六

別峯上人既住寶林十有七年道高德隆百廢  
咸理乃重建槃翠之軒以游息四方之文學士  
於是叢林之望益重而龜山之勝爲於越冠華  
裾藻佩篇翰交錯濟濟翼翼彬彬如也至正甲  
午予來會稽因得與羣士大夫爲寶林之游而  
賦詩倡和無虛日焉夏四月癸丑有道士張玄  
中來訪別峯上人告將歸桐柏觀適余與所遊  
客皆在上人遂分韻爲歌詩以送道士詩成屬  
予序予嘗見世俗以儒與僧道爲三教謂當各



道其道。各志其志。言不得同詞。行不得同躅。衣服不得同制度也。今於是乎相從游而贈以詩。何獨異乎人之言耶。蓋吾徒之所以與上人游者。非欲求其道也。上人能賦詩而樂賢士。寺之勝足以資吾游。道士又遠來見吾徒而欣慕焉。吾安得而拒之。三王世遠。天下之爲民者不易矣。懷才抱志之士。遣其身于方外。以遠害而離尤。豈得已哉。予旣從上人之請而爲之詩。復爲序焉。

得會字

劉文成公全集

卷五

二十七

道士張玄中。年少氣方銳。幽栖桐柏宮。餌木啖松檜。黃冠紫霓衣。赤鳥青組帶。翩翩離故居。汗漫游方外。北窮燕幽都。南盡越吳會。泛海超東溟。溯河上西兗。驚霆霄砰軋。濁霧晝晻溢。淒淒風薄裳。洩洩雲垂蓋。追龍入醫閭。訪鶴凌岱泰。蟠桃花未實。火棗葉始拔。鼉梁沒溟濘。鳳吹杳茫昧。波馳羲和輪。電掣織阿軟。悠悠雀雉化。渺渺蟬蛇蛻。愴悵寤往圖。飄飄返旌旆。振衣赤城岑。漱齒白鶴瀨。餐椒鍊精魂。洗髓去埃盪。晨朝

畢竟吾儒  
異于二氏

玉宸高。夜醮金景。嗒倨佞授寶訣。列缺助穰。檜  
采芝麋鹿引。燒藥龍虎會。扶桑倒景長。建木盤  
根大。岳花春蒙茸。澗草秋醴醕。山輝月娟娟。瀑  
落石磕磕。息心觀羣動。清耳聞衆籟。窻虛琪樹  
明。幕靜鸞羽翹。枸杞藤蔓潛。松苓兔絲蒼。我欲  
往從之。逍遙解沉昧。風塵正鬱蔽。原野塞戈殺。  
盜賊熾炎火。平人走狼狽。湮淪海底珠。黯淡日  
中沫。憂深杞國天。卜瀆文仲蔡。撫事生悲傷。懷  
古增感慨。上人曇彥孫。龍象雄梵貝。道殊心靡

劉文成公全集

卷五

二十八

它。誼合情自最。飛書邀應真。擺落芻橐廩。淒涼  
念吾儕。漂泊累疏糲。短章慙未工。浪跡誰倚賴。  
高歌向冥漠。安得躬吠滄。

...



